

Februari 9, 2019

www.awemainta.com

www.facebook.com/awemainta

noticia@awemainta.com

583-1400



AWEMainta

15
año

Cinco Hues nobo pa Aruba instala



DIABIERNA den oranan di atardi a tuma luga instalación di cinco Hues nobo pa Aruba. E instalacion a wordo haci door di presidente di Hof mr. Eunice Saleh. E cinco huesnan cu a wordo instala tabata mrs. Van Suilen, Verheijen, Soffers, Jansen y Verhoeven

Mr. Van Suilen ta bay dedica su mes na “Bestuurszaken” y casonan di belasting na tur e islanan; mr. Verheijen (a yega di traha den Caribe caba), y awor aki na Aruba ta bay concentra riba casonan penal y civil. Mr. Marion Soffers, kende for di october año pasa ta

na Aruba, ta den area di “bestuursrecht, strafrecht en personen en familierecht”. Dos otro conoci pa Aruba ta mr. Jack Verhoeven, kende a bini Aruba na 2010 y a bay Hulanda bek na 2015. Awo cu tin cupo nobo a habri, el a dicidi di solicita pa bolbe Aruba ta concentra principalmente riba casonan civil. Y e otro ta mr. Jane Jansen, un Arubiano specialisa den asuntonan di belasting. El a lanta e seccion di “belastingrechtspraak” prome cu el a cuminsa cu su estudio di Hues. E lo atende e seccion aki pa tur e islanan y e base ta situa na Aruba.

**SUPER
Do it Center**

Bo Famia Pa Sempres!

Weekly SPECIALS

SAVE
0.46



1.99

Each

Pear Anjou Large

SAVE
2.00



5.19

Per Kg

Galiña pa Sopi

SAVE
2.00



17.99

Each

Rom Tropical Crioyo Silver/Gold

SAVE
2.99



60.99

Per Case

Presidente Regular Bottle 8.5oz



Turista Canades di 33 año probablemente viola riba beach banda di Hilton Resort

AYERA madruga algo prome cu 4'or, informacion ta dreña na Polis cu riba beach dilanti Hilton Hotel, algo lo a pasa un dama.

Na yegada di Polis berdad nan a topa cu un dama turista di 33 año procedente di Canada.

Segun e dama el a wordo viola, y por a mira cu di berdad algo pasa dor cu tanatin sanger na su panty. Y ademas, el a ser haya sin panty bisti. E dama tabata bebi tambe. Segun cu e dama mes a conta, e persona cu lo a comete e acto tambe ta un turista, probablemente di New York. Mesora cu a constata cu ta trata di un caso serio, a avisa autoridadnan concerni.

Ambulance tambe a wordo avisa y por a mira nan a cana bay cu e dama direccion ambulance, unda el a wordo atendi, pa despues a sali direccion Hospital.

Vocero di Polis, un comunicado a ser emiti cu ta bisa ayera diabierna madruga pa 3.50 Central di Polis ta wordo notifica cu un dama a wordo probablemente viola na altura di Hilton. Patruyanan di Noord a wordo manda p'e sitio. Mesora tur autoridad competente a wordo poni na altura.

Mientras ambulance tambe a presenta y despues di trata e dama den ambulance mes, a dicidi di bay mesora cu e victima pa hospital.

E area caminda e victima a wordo haya n'e beach a wordo sera. E investigacion ta uno caminda a yama e demas departamentonan pa presenta y re-enforza e investigacion. Dokternan a cuminsa samina e victima femenino. No por a saca afo mesora si e victima tabata bou influencia, aunke el a cana ta swaai y unda el a bay y cu ken.

Pero sigur e ta un caso tristo y serio cu por bira un peligro p'e area turistico. Autoridad lo bay haci un investigacion full den e area pa haya e imagennan di seguridad cu tin.

Asina lo por haya kizas algun imagen di e persona cu por tabata den su cercania. Famianan di e victima turista tambe a ser avisa. Cuerpo Tecnico a presenta banda di 7or n'e sitio di incidente. Nan a bay haci nan parti investigativo cu ta importante pa evidencianan necesario.

E caso ta sigui bou investigacion.

E caso aki tambe a haya atencion di Minister di Husticia, Andin Bikker, kende a convoca un conferencia di prensa, mustrando cu den paraíso tambe sa tin incidente.

Na opinion di director di RDA Alvin Koolman

E chens pa e proyecto bira realidad ta hopi mas grandi cu antes



DEN un conferencia di prensa diabierna mainta Alvin Koolman, director di Refineria di Aruba, a papia di e ultimo desaroyonan na Citgo Aruba. El a papia di e proyecto pa rehabilita e instalacion aki den un upgrader di e crudo pisa Venezolano.

E start-up ta algo cu a confronta retonan ora cu a bini sancionnan contra e regimen Maduro, cu a haci dificil pa haya e financiamiento pa sigui cu e proyecto den añanan 2016 y 2017. E ultimo aña a studia kico ta e plannan cu por bini pero "upgrader" ta keda esun mas factibel. E proyecto ta uno atractivo, segun Koolman, pero e geo-politica unda cu e Gobierno di Nicolas ta sigui hunga un rol importante, ta dificil evita e sancionnan. Pa kit'e e refineria for di CITGO y bay bek na opera Aruba mes, ta causa un violacion di contracto. Pero despues mester acudi toch na Venezuela cu ta unico cu tin e crudo cu por wordo procesa den e refineria, y cu Aruba ta e unico solucion pa nan.

Si bin un cambio den regimen Maduro, e sancionnan lo wordo kita y e inversionnan necesario lo yega sigur. Koolman ta kere cu tin speransa cu un Gobierno nobo, pasobra expertonan (entre otro Leopoldo Lopez ta pone esakinan den un buki cu el a skirbi) a bisa cu e prioridad number uno di un Gobierno nobo di Venezuela ta subi produccion di crudo y gas. Aruba ta e unico proyecto cu den un periodo di 16 luna por subi e produccion di Venezuela na 150 mil bari di petroleo pa dia. Actualmente nan ta produci 1.1 miyon bari y Aruba lo por produci un poco mas cu 10% di loke mester logra. Mester yega na un produccion di 3 pa 4 miyon bari.

Esaki ta e principal entrada pa e pais. Den esaki e refineria di Aruba ta masha atractivo pa Venezuela.

Citgo Aruba ta cay bou di PDVSA Holding, pa motibonan tecnico, cu ta un compania na Delaware cu ta doño di CITGO Petroleum Holding. E sancionnan na 2017 no a afecta Aruba, pero si e sancionnan di dos siman pasa. For di siman pasa ta deliberando entre otro cu Gobierno di Aruba, pa haya e fondonan necesario pa sigui operacion. A haya seis luna mas pa caba cu e di dos fase di e proyecto, cual ta necesario pa bay busca e siguiente finansa. E suma necesario ta 800 miyon pa e refineria y 375 miyon pa e linea di gas. Aruba su proyecto ta masha atractivo y no mester wordo para. E unico riesgo ta cu e por wordo poni "on hold" den e transicion y esaki a logra. Tin rond di 300 trahado, di cual 150 ta traha directamente cu e compania y e restonan ta contratista. Cuatro compania, den e fase dos, no a keda cla cu e parti financiero pa cual e parti aki lo wordo poni "on hold" y e resto lo sigui. RDA a segura pa e parti di financiamiento di fase 2 sigui y mantene e hendenan local na trabou. Un grupo chikito so lo wordo manda cas en espera. Nan lo bolbe ora cu haya contesta cu Aruba no ta cay bou di e ultimo sancionnan.

RDA hunto cu Gobierno di Aruba ta trahando cu e hendenan di Guidó, pa evita cu Aruba no ta cay bou di e sancionnan nobo pasobra Aruba ta escencial pa e Venezuela nobo.

E produccion di e productonan petrolero pa Aruba cu ta wordo treci door di FMSA, ta mas o menos 7 mil bari pa dia, 3.5 ta fuel-oil di WEB y e resto ta pa aeropuerto.

Nan ta wordo deposita den e tankinan y no ta motibo pa pone esaki na peligro via di un wild strike, y ta irresponsabel pa papia di esaki cu por pone e cuponan di trabou na peligro. E refineria ta masha importante como upgrader pa Venezuela y ta un di e proyectonan cu Venezuela lo sigui cun'e. A papia cu e hendenan di Guidó na Merca caba. E proyecto riba su mes no ta na peligro y awor inclusive tin mas claridad riba dje. E chens pa e proyecto bira realidad ta hopi mas grandi cu antes.

Prome Minister Wever Croes tambe a duna un splicacion riba e tema aki. Esta e situacion di Venezuela y su efecto riba e refineria na Aruba. Esaki, Premier Wever-Croes a bisa cu ta trece mas preocupacion ainda pa Gobierno di Aruba cu tawata tin caba. Desde cu e refineria a cera durante e gobierno anterior, nunca el a echt habri bek. Ora cu na augustus 2018 Citgo a informa Gobierno di Aruba cu nan lo haci un inversion di 35 miyon dollar, Gobierno a logra cu algun hende a haya trabou eynan. Sinembargo awo, cu e sancionnan nobo cu Merca ta pone, cu Citgo no mag di traha mes cu PDVSA, tur loke cu ta di PDVSA tin di wordo saca for di e refineria cu ta algun crudo y empleado di PDVSA. A base di esaki, e refineria ta evaluando y nos compania estatal, RDA ta encarga pa monitoria e situacion y mantene Gobierno informa. E situacion ta di preocupacion pa Gabinete Wever-Croes, pasobra cada pan di cada Arubiano cu ta core peliger, ta duna un motibo pa preocupa. Na e momento aki, Gobierno ta monitoria e situacion y no lo desea pa nos yega na e extremo eynan.

Minister Andin Bikker, relaciona cu e supuesto caso di violacion

Den paraíso tambe tin incidente cu por pasa

ARUBA su economia ta depende di e pilar mas grandi cu ta turismo y esey a haci cu ta necesario pa Minister di Husticia mr. Andin Bikker duna un declaracion di un incidente lamentabel cu a pasa cu un turista ayera madruga. Despues cu a bira conoci cu un dama turista a bira victima di un persona masculino banda di un hotel grandi na Eagle, mesora a reuni cu Procurador General y Hefe di Polis y un grupo di consehero riba e incidente aki.

Segun Minister Bikker, informacion preliminar cu por comparti cu pueblo y prensa, cu un dama turista cu no ta keda na un di e hotelnan, pero si riba isla di Aruba a bira victima di un crimen. E dama aki mester a conoce un persona den un night club y den oranan di madruga el a bira su victima.

Minister Bikker for di informacion oficial por bisa cu e persona aki no tabata cana su so riba beach pa despues un hende bin atake.

Isla di Aruba ta sigur, e maneho di e gabinete aki ta pa percura pa tin hopi vigilancia y mas visibilidad di Cuerpo Policial y otro ordedienst riba caya y area turistico.

Pronto ta inaugura un post riba e area crucero, e mobile unit cu a importa recientemente pa Polis lo bay ta visibel den area turistico y den pueblo.

Pa Minister Bikker e incidente aki ta hopi lamentabel y ta segura cu isla di Aruba ta sigur unda tanto e pueblo como e bishitante por sinti nan sigur.

Riba pregunta di prensa Hefe di Polis sr. Andrew Hoo a bisa cu ta prematuro pa duna tur detaye. Loke e por bisa cu e victima a duna su prome declaracion caba, pero mescos cu tur investigacion e mester duna un di dos ainda pa haya mas detaye.

Los di esey mester pone su declaracion hunto cu evidencia cu a haya. Actualmente tin un team di Recherche bon capacita, Zedenpolitie y otro departamento encarga cu e caso.

Mirando situacion di e dama no por presiona mucho pa haya mas informacion. El a duna un descripcion di e persona y esey no ta determina si ta un stranhero of local. Relaciona cu e caso aki te ainda no tin persona deteni segun Hefe di Polis, sr. Andrew Hoo.

Tur crimen di Aruba ta haya su debido atencion sea e ta riba un turista of un persona local. Turismo ta pilar di Aruba su economia y esey ta haci cu mester duna e caso aki extra atencion sin kita cu tur caso ta haya nan atencion riba e nivel cu mester trata nan.

Minister Bikker a sigui bisa como Gobierno ta den contacto cu tur instancia concerni y ta sigui duna informacion corecto pa evita cu tin cualkier mal comprendemento.

Aumento di accijns no ta hustifica cambio grandi di prijsnan

Minister di Finansa, Asuntonan Economico y Cultura Xiomara Ruiz Maduro den un declaracion ta informa riba e aumentonan di accijns y impuesto di importacion y ta duna un bista di e cambionan real riba algun bebida sterki y biña.

Whiskey

E aumento di accijns riba whiskey ta 44%. E porcentahe aki ta calcula a base di e prijs pa cada 100 liter (hectoliter). Esaki ta nifica cu pa un boter di whiskey di un liter, e aumento di accijns ta Awg 9.75. Considerando cu e tarifa di accijns bieu ta Awg 22.10, cu e tarifa nobo di accijns e aumento di 44% ta bira Awg 31.85 pa un boter di 1 liter di whiskey. Por ehempel si un boter di whiskey di un liter ta costa Awg 50.00 cu e aumento di accijns aki e ta costa awor Awg 60.35 excluyendo BBO.

Biña

Pa un boter di biña di un liter, e tarifa bieu di impuesto di importacion ta Awg 4.00. Cu e aumento di 8.25% na impuesto di importacion e ta subi cu Awg 0.33 y e tarifa nobo di impuesto di importacion pa boter di biña ta bira Awg 4.33. Esey ta nifica cu si por ehempel un boter di biña di 1 liter tabata costa AWG 20.00 cu e aumento di impuesto di importacion di AWG 0.33 /liter e mesun boter di biña lo bay costa AWG 20.35 excluyendo BBO. E boter di biña aki ta subi cu Awg 0.35. Pues no ta asina cu e prijs di e boter di biña ta subi cu 333%.

Cerbes 'stout'

Un boter di Cerbes 'stout' di 1 liter e accijns ta subi cu AWG 4.33 y pa un boter di 33 cl e accijns ta aumenta cu AWG 1.40 excluyendo BBO.

E meta di e comunicado aki ta pa brinda informacion riba cuanto ta e aumento real di accijns y impuesto di importacion respectivamente. E mandatario ta informa e consumidor pa ta consciente di e aumentonan aki cual no necesariamente mester ser hustifica den un cambio grandi den prijs di e producto.

Pa mas informacion riba e cambionan, por bishita e website di Aduana www.douane.aw of tambe por tuma contacto via emailadres info@douane.aw.

Gobierno ta informa riba e ultimo desaroyonan di Venezuela:

E situacion di Venezuela den e siman aki no a conoce mucho cambio

Prome Minister Evelyn Wever-Croes, na final di siman a duna informacion amplio di e ultimo desaroyonan cu Gobierno di Aruba ta ricibi tocante e situacion di Venezuela cu ta keda preocupante. Di parti di Gobierno, ta sigui tur e desaroyonan di cerca. Prome Minister Evelyn Wever-Croes ta segura e comunidad di Aruba cu Gobierno di Aruba ta haci e maximo esfuerso pa tene nos comunidad informa pa asina tur hende por ta miho prepara.

E situacion di Venezuela den e siman aki no a conoce mucho cambio. Desde comienso di siman, Hulanda y otro paisnan den Union Europeo a reconoce Juan Guaido como e presidente interino di Venezuela cu e meta pa organisa eleccionnan liber. Banda di e desicionnan aki, e decision ta pa mantene e laso diplomatico cu e gobierno di Nicolas Maduro. Esaki ta e posicion di 18 pais di Union Europeo. Riba e especulacionnan di accionnan militar, Prome Minister a enfatisa cu Aruba no ta forma parti di ningun accion militar. Premier Mark Rutte di Hulanda tambe a duna di conoce cu Hulanda lo no participa na accionnan militar.

Esaki ta descarta tur rumor, incluso, di oposicion cu recién a informa pueblo uzando un video di un año atras bisando cu Venezuela lo ataca nos bek si tin accion militar di parti di Reino. Aruba no tin un base militar prepara pa esaki, por lo tanto nos no ta core riesgo tampoco pa Venezuela bin tuma accion militar riba nos. Cu esaki, segun Prome Minister a indica, nos por keda tranquil.

E mandatario principal di nos pais a informa tambe tocante accionnan humanitario. Esaki ta un peticion cu un grupo rond di Juan Guaido a haci na diferente pais pidiendo ayudo pa trece cuminda y remedi den Venezuela.

Varios paisnan a indica cu nan ta dispuesto pa haci esaki. Pero Hulanda y Colombia a tuma e posicion cu solamente nan ta dispuesto si e regimen di Presidente Maduro permiti nan drenta pa asina evita un confrontacion militar. Gobierno ta sigui e desaroyo aki di cerca pa si bin cambio, pero pa awo aki, no tin niun indicacion cu Aruba lo ta parti di accionnan humanitario pa Venezuela.



Prome Minister Evelyn Wever-Croes enfatisa cu e situacion di Venezuela ta keda igual. Gobierno hunto cu Marina Real, autoridadnan local tanto marítimo como riba tera y cu cooperacion estrecho cu Corsou y Boneiro ta atende cu e tema aki debidamente y asina duna informacion tambe.

Un biaha mas, Prome Minister ta haci un peticion pa pueblo, pa nos tur keda tranquil pa asina por tuma e miho decisionnan cu mester tuma. Laga nos sigui e desaroyonan via noticianan oficialmente di Gobierno. Den e fin di siman aki, tambe lo wordo saca hopi noticianan, hopi rumor y voicenotes for di Venezuela.

“Gobierno di Aruba no por haci nada pa e situacion interno di Venezuela. Loke si nos por haci ta uni den oracion y pidi pa e situacion di Venezuela pronto lo resolve na nos pais bisiña”.

Minister Ruiz-Maduro a reuni cu Embahador Suplente pa Reino na Panama



Minister di Finansa, Asuntonan Economico y Cultura Sra. mr. Xiomara Ruiz-Maduro a ricibi bishita di Sr. Juriaan Middelhoff kende ta Embahador Suplente pa Reino Hulandes na Panama. E meta di su bishita na Aruba ta pa drenta den contacto cu representante di comercio y gobernacion pa asina indica con Embahada Hulandes por yuda pa fomenta negoshi entre Panama cu Aruba. Durante e encuentro Minister Ruiz-Maduro a splica Sr. Middelhoff riba e 6 sectornan prometededor pa inversion cu a keda identifica pa Aruba. Un punto cu a bin dilanti tambe ta e interes cu algun compania na Panama tin den e experticio di Aruba riba e tereno di turismo. E ta recomendabel pa companianan interesa den haci negoshi na Panama pa tuma contacto cu e Embahada Hulandes pa asina nan por wordo guia y haya sosten den esaki.

Segun Robby Rosel (PR di Bureau City Inspector)

No ta permiti palet ni carton riba ruta di Carnaval 2019

AWE diasabra dia 9 di februari 2019 lo ta permiti pa pone trailer, stelage of auto riba e ruta di Carnaval. Esaki lo cuminsa entrante 7.00 or di mainta pa 7.00 or di anochi cu excepcion di L.G.Smith Boulevard caminda cu DOW lo instala tent.

Prome cu dia 11 di maart tur trailer, stelage of auto mester ta kita bek. Bureau City Inspector lo bay ta riba tur ruta di Carnaval pa controla e ponemento di palet pa warda luga pa parada di Carnaval.

Palet no ta permiti pa pone riba e ruta di Carnaval mirando cu esaki ta mahos bista pa nos turistanan y pa nos mes. Mescos NO ta permiti pa cera luga cu palet ni carton. Tur esaki ta regla di DIP cu ta poni den cada permiso pa nos Carnaval 2019.

Riba L.G.Smith Boulevard ta estrictamente prohibi pa corta of destrui mata y no mag hinca nada den tera en conexion cu posibel daño na kabel (waya di coriente) of tubo bou tera.

Den caso cu e portador di permiso no cumpli cu e condicionnan stipula den e permiso, lo hala e permiso aden conforme articulo 3 inciso 6 di Retributie- en legesbesluit di Directie Infrastructuur en Planning (AB2004no.7) y e portador lo no bin na remarca mas pa obtene un kavel pa usa riba ruta di Carnaval p'e proximo temporada di Carnaval.

No tira boter, sako y bleki of otro articulonan riba caminda. Ban pone tur esaki den un sako grandi di sushi y mare y pone na banda di caminda y Serlimar lo pasa buske. Hunto lo celebra un bunita Carnaval 65 y den un ambiente limpi y bunita pa nos bishitantenan y pa nos mes.

Por ultimo si bo por mira algun kavel of tent tin palet of carton poni por avisa nos riba InfrAuba.com of yama 582-9777.

Parlamentario Marlon Sneek

Aruba tin un gobierno 'Stamboom'

NO ta algo nobo pa un gobierno di MEP ya cu den pasado caba esaki a sosode ora cu practicamente henter famia di e Prome Minister di e tempo ey, Nel Oduber, a haya trabou den gobierno.

Gabinete Wever Croes no a laga e tradicion aki cay y fuera cu partido MEP ta conoci hopi bon pa su maneho na interes di 'friends & family', e tradicion di hinca famia den aparato di gobierno a continua caminda ruman, casa, tanta, omo, primo- y primanan, acto primo y hasta hendenan yega na e famianan aki, ta haya trabou den un gobierno di MEP.

Lider di fraccion di AVP, Marlon Sneek ta muestra cu apesar cu prome minister Evelyn Wever a muestra cu tur cos lo cambia y cu su gobierno lo traha pa pueblo, lo pone e ser humano central, e unico hendenan cu ta central den su gobierno, ta su famia- y amigonan.

"Den algun luna di tempo gabinete Wever Croes a aumenta gasto di personal cu 10 milyon pa cual hecho tanto Raad van Advies como CAFT a adverti e prome minister riba e desaroyo aki.

Hasta a dicide di pone un condicion cu gabinete Wever Croes lo tin cu reduci gasto di personal cu 12 milyon loke ainda no a sosode y tur e tempo aki ta sigui haya informacion di hendenan cu ta wordo nombra den diferente departamento di gobierno.

Den edificio di Cocolishi e trafico di famia y amigonan ta asina grandi cu lo ta na su luga pa pone luz di trafico pa dirigi e drukte cu tin eyden di tanto hende cu ta cana dal den otro.

Gabinete Oduber den pasado a duna trabou na practicamente tur generacion di e famia aki y ta mas cu claro cu e actual prome minister kier kibra e record aki caminda practicamente a converti gobernacion den un asunto di famia y amigonan.

Mientras cu pueblo a wordo gaña pa partido MEP cu no a cumpli cu promesanan



haci durante di campaña, ya ta conoci den pueblo cu medida y inflacion ta e regalonan cu pueblo a haya for di gabinete Wever Croes mientras cu trabou cu bon salario a bay pa famia- y amigonan y pa no kibra ley, ta sponsor- y sostenedonan di e partidonan den

gobierno, ta wordo beneficia prome cu pueblo.

A priminti pueblo solucion sin medida pero a aumenta BBO y a ranca placa na unda cu tabata por. A priminti gasolin barata pero prome cos cu haci ta di ehecuta aumento di accijns riba gasolin.

A priminti reduccion di prijs di awa y coriente pero gabinete Wever Croes a dreña den e companianan aki pa exige pago di dividendo di e companianan estatal, cual placa lo por a wordo usa pa baha e prijs di awa y coriente un tiki pa duna pueblo un alivio. E promesa di aumenta salario minimo tampoco a cristalisa, un promesa haci durante di campaña cu prome minister mes a bari for di mesa asina cu el a wordo huramentado como lider di e gobierno mescos cu su promesa di reduci cantidad di minister pa scapa 50 milyon pero mester a doblé pa presion di un partido chikito y a keda cu 8 minister y un secretario di estado cu tambe tin salario di un minister.

Pa pueblo no tin nada ainda y lo no tin nada mas cu un lucha su dilanti contra di inflacion y un economia den recesion crea pa un falta di vision y capacidad pa goberna.

Sinembargo ora cu realisa cuanto famia y amigo a haya trabou, caminda a retira diferente director di departamentonan pa nombra nan hendenan, nos por conclui den un forma concreto cu Gabinete Wever Croes ta birando e prome gobierno "stamboom" den historia politico di nos pais ya cu tur tipo di famia ta den servicio di gobierno y tur yega na e famianan aki, tambe ta wordo bon atendi y ta busca algo pa nan haci y ta mas cu claro cu na final di dia, pueblo NO tin algo di haya di e gobierno aki," lider di fraccion Marlon Sneek ta muestra.



DEN un reunion solicita pa fraccion di AVP cu Prome Minister riba e vision y posicion di gabinete Wever Croes relaciona cu Venezuela, lamentablemente gobierno no tabatin informacion pa duna y nada di kico ta wordo haci y kico ta tumando luga.

Lider di fraccion di AVP den Parlamento, sr Marlon Sneek a muestra cu mientras cu Prome Minister di Corsou practicamente tur dia ta informa tanto pueblo como Parlamento di su pais riba e desaroyonan cu tin, Premier Evelyn Wever Croes no por a duna ningun informacion den e reunion aki.

Pa ilustra con serio e falta di iniciativa di gobierno pa informa pueblo y parlamento pa asina calma e tension cu ta lanta, Parlamentario Sneek a pasa grabacion di un entrevista c'un oficial di gobierno, y persona aki ta bisa cu Hulanda tin base militar tanto na Aruba como Corsou y nan ta considera Hulanda como un di e paisnan agresor contra Venezuela.

E persona aki a muestra cu su gobierno por atende cu e dos basenan aki sin problema y cu Venezuela ta conta c'un sistema anti misil aereo di mas moderno na mundo.

"Ta cosnan serio ta pasando pero e unico expresion cu nos por scucha for di prome minister Wever Croes, ta cu loke tur hende tin cu haci ta resa pero di un vision, di un plan of di kico e ta papiando cu gobierno di Reino, ningun hende ta na altura.

Ta mesun prome minister aki hunto cu su minister Dangui Oduber na 2016 a cuestiona y bagatelisa un plan cu a wordo hinca den otro na 2016 caminda entre otro minister Dangui a critica severamente un plan cu a wordo hinca den otro den un eventualidad si algo pasa na Venezuela y con tin cu atende cu esaki.

"Dangui dia 14 di september a desbarata e plan aki for di otro, mas informando pueblo cu gobierno e tempo ey kier lanta un campo pa refugiado den Centro Deportivo Betico Croes pa despues traslada e campo aki pa Little League Ballpark na Dakota.

Lider di fraccion Marlon Sneek

Menasa haci contra base militar di Aruba y Prome Minister ta pidi pa reza

Awor cu nan ta den gobierno, no tin ni vision, no tin ni plan y prome minister ta manda tur hende bay resa y no ta prome bes cu e minister di asuntonan general, no ta na altura di kico ta pasando riba e isla aki.

E no tabata sa di decisionnan cu su gabinete ta tuma, kico su ministernan ta haci y semper e tin cu bay puntra kico ta pasando y den un caso asina serio manera e desaroyonan cu tin na Venezuela, tampoco e por a splica Parlamento ki plan su gobierno tin y kico ta su expectativanan of cual palabracion tin cu gobierno di Reino of otro instancianan.

Prensa ta informa cu tin hende a yega aeropuerto Reina Beatrix for di Venezuela y solicita mesora pa asilo politico pero gobierno no tin informacion pa duna pueblo y tampoco duna Parlamento," Parlamentario Marlon Sneek a muestra.







Explore, Discover, Share, Inspire

Exploring the world doesn't have to stop when the working day starts.
At Renaissance Hotels we know your passion for discovery is more than a hobby, it's a career.

We have the following position available:

Human Resources Employee Relations Specialist

Are you empathic with great interpersonal skills and able to build and maintain relationships with team members? Do you have strong verbal and written communication skills with a high level of professionalism? Then this position may be perfect for you.

Some responsibilities include:

- Develop, recommend and implement team member relations policies. Conduct organization wide audit to identify team member issues. Participate in the design and delivery of internal team member relations.
- Organize and coordinate yearly team member engagement surveys.
- Effectively handling team member complaints, escalating these complaints to the level of disciplinary or legal action. Monitor exit interviews and prepare quarterly reports. Act as a liaison between employer and team member, overseeing employee relations.

Requirements include:

- Bachelor's degree with a minimum of 2 years of work experience in Employee Relations (or Associates degree with 4 years of work experience in Employee Relations).
- Knowledge on personnel laws and regulations with an emphasis on those related to fair employment and employee relations. Excellent verbal communication skills in Papiamento, English, Dutch and Spanish. Proficiency in Microsoft Office applications.

Please send your application, CV, diplomas and other relevant documents to:

employment@arubarenaissance.com
Human Resources Department
L.G. Smith Boulevard 82, Oranjestad, Aruba
Telephone: 297-583-6000
www.renaruba.com



Explorando oportunidadnan pa studia enfermeria riba nivel di HBO na Aruba **Hospital y Zuyd Hogeschool trahando hunto pa ofrece mas oportunidad**

RECIENTEMENTE, representantenan di Zuyd Hogeschool di Hulanda a bishita Dr. Horacio E. Oduber Hospital un biha mas, pa reuni pa trata loke ta fase dos di trece opleiding di enfermeria riba nivel di HBO pa Aruba.

E impacto aki lo ta uno hopi grandi pa Hospital y ta preparando bon, combersando cu tur stakeholders. E esfuerso ta uno conhunto, cu ta inclui hasta e Ministernan cu ta compaña Hospital den e trayecto aki.

Tin hopi entusiasmo, pero tambe tin hopi trabou pa ehecuta, asina Director di Cuido di Hospital, sr. Ezzard Cilié, a duna di conoce. Ta purba planea tur cos na un forma responsabel y pa bin cu algo concreto.

Ta un responsabilidad como Director pa bin cu un base solido unda ta ofrece oportunidad pa crece pa tur empleado.

E proyecto aki tin 2 componente importante pa tene cuenta cune cu ta den Hospital tin varios nurse gradua cu kier sigui crece den nan trabou y tin esnan cu no conoce e profesion aki, mester mir'e como uno atractivo.

E ta un oportunidad cu por brinda hobennan Arubiano cu ainda no a scoge kico nan kier studia. Un oportunidad pa sigui studia na Aruba mes en bes di bay Hulanda.

Hospital kier crea un ambiente cu ta atrae studiantenan dispuesto pa forma un carera den ramo di enfermeria.

Ya caba Colegio EPI ta yuda Hospital cu e parti teoretico y awor lo por combina cu practica den Hospital mes, asina Ezzard Cilié a duna di conoce.

Na momento cu t'asina leu, e studiantenan mes lo tin oportunidad pa scoge, sea pa cuminsa traha mesora of pa sigui studia.

Loke a ripara ta cu studiantenan ta bay afo y nan ta keda biba eynan, pasobra eynan lo por tin hopi mas pa ofrece. Pa por mantene nan na Aruba, mester por ofrece oportunidad na cas mes. Hospital ta spera di trece un cambio den esaki y ofrece studiantenan cu kier algo mas localmente, estudionan amplio di nivel halto comparabel cu Hulanda.

Ta trahando pa basta tempo riba e proyecto aki y ta spera cu pronto por duna mas detaye y fecha cu lo por start.

E cooperacion entre Hospital y Zuyd Hogeschool ta bayendo bon, sr. Ruud Heijnen, coordinador di cooperacion internacional di Facultad "Gezondheidszorg" na Zuyd Hogeschool, a duna di conoce.

Dor di e trahamento cu Hospital, Zuyd Hogeschool ta haya hopi contact cu tur instancia di cuido riba nos isla. Esey ta duna e scol un mihor vision riba e retonan, mientras cu di otro banda ta conoce tur stakeholder den salubridad.

Barth Koster, Manager di Academia di Hospital, a reuni cu Zuyd Hogeschool riba e programa di orientacion. Nan ta positivo cu Zuyd Hogeschool lo apoya esaki hunto cu Universidad di Aruba. Como cu kier cuminsa un nivel di HBO, mester siña con pa implement'e den e organizacion y integra esaki riba tur tereno necesario. Esaki lo ta un di e retonan grandi.

HOH Academy lo t'e departamento cu ta encarga y ta brinda sosten n'e practica den enfermeria.

E bishita di Zuyd Hogeschool tabata uno fructifero resultando den un base solido den futuro pa nos hobennan y otro cu kier sigui studia den enfermeria aki na Aruba mes.

Chris Romero ta desmenti di a manda carta pa descualifica un participante

AYERA for di momento cu a bira conoci, cua t'e banda y cantantenan a clasifica pa Caiso y Soca, por a tuma nota cu e cantante di Caiso, Zyon no a clasifica y di biaha a cuminsa circula informacion cu ta Minister Chris Romero lo a manda un carta pa Presidente di Hurado, alegando cu dicho cantante no por clasifica.

Minister Chris Romero ta desmenti categoricamente tur rumor cu ta circulando tocante un supuesto carta cu e lo a manda Stichting MUSICA pa descualifica un of otro artista, for di e festival di Caiso & Soca Monarch 2019.

Como un Carnavalista activo y cu semper a apoya fervientemente festivalnan di Caiso & Soca Monarch, Minister Chris Romero ta haya lamentabel cu e expresion cultural di mas grandi di Aruba, ta hayando un lus negativo dor di ponencianan infunda di personanan cu menos bon intencion.

Carnaval mester mantene su identidad como nos simbolo di alegria y celebracion unico cu nos ta celebra den armonia y union.

Politica nunca a mete y no lo permiti p'esaki t'e caso tampoco. Gabinete Wever-Croes ta mantene su mes bou di e reglanan di integridad y como tal hamas lo por ta involucra den e maneho di cualkier stichting of fundacion, specialmente di Carnaval.

Ban sigui celebra Carnaval 65 den grandi, lagando tur controversia atras. Ban engrandece nos Carnaval cu nos alegria y positivismo cu semper a caracteriza nos como Arubiano, segun Minister Chris Romero.

Ta bon pa Presidente di Hurado bin dilanti y bisa publicamente pakico Zyon no a clasifica y si ta berdad pasobra el a canta miembronan di Gabinete Wever-Croes. No por t'asina cu tur participante mester entrega nan letranan, pa studia nan y tog ta keda descualifica. No por!!



Meet. Explore. Work. Celebrate. Our legendary hospitality has helped us be a part of people's lives for almost a century. And we're just getting started. Join us and help shape our next century.

We are looking for the following positions:
On-Call Massage Therapist



View all job openings and descriptions at jobs.hiltonworldwide.com, search for Aruba and apply online.

J.E. Irausquin Blvd. 81, Palm Beach, Aruba
www.hiltonaruba.com

SUPER SATURDAY - FEBRUARY 9, 2019					
SOCA					
Band name	Singer	Stage name	Song title	Composer	Arranger
3-4 All Empowered	Franklin Gilkes	Franky	Hashtag	Franklin Gilkes & Raymond Bernabela	Franklin Gilkes & Raymond Bernabela
Ambiance	Tabitha Smith-Heemstadt	Lady Ambiance	Invasion	Tabitha Smith-Heemstadt	Dwain Elias Heemstadt
BMW	Claudius Philips Jr.	Claudy	Jump On It	Claudius Philips Jr.	Claudius Philips Jr.
BMW	Joshua Geerman	Light Skin Rastaman	Soca Skanking	Joshua Geerman & Randolph Berry	Claudius Philips Jr.
BMW	Valentino King	Valentino King	Ah Marrying	Valentino King	Valentino King
Buleria	Eugene Kemp	E.K.	Ruggish Sway	Eugene Kemp	Eugene Kemp & Rygel Isabella
Buleria	Reinier Lijfrock	ReintjeRock	Big Truck	Jeanchrisjair Vesprey & Janiro Eisden	Rygel Isabella
Le Groove	Ashrock Gario	Diamond Chip	Inside Of It	Antoni Gario	Antoni Gario
Le Groove	Denzel Browne	Kulchaman	It's Party	Antoni Gario	Antoni Gario
Le Groove	Tony Mingo	T-Money	Hunter 2 Hunted	Antoni Gario	Antoni Gario
Madness	Tasha Smit	Trini T	Bounce Free	Michael Lampe & Edmar Rincones	Michael Lampe & Edmar Rincones
Musical Time	Ingrid Richardson	Lady K	Heat Wave	Chucho Hoek	Chucho Hoek
Musical Time	Roy Illis	Long Roy	Control On The Island	Chucho Hoek & Geoland Farro	Chucho Hoek
Musical Time	Roy Lints	Lord Cachete	65 On The Road	Roy Lints	Delbert Bernabela



SUPER SATURDAY - FEBRUARY 9, 2019					
SOCA					
Band name	Singer	Stage name	Song title	Composer	Arranger
NBO	Aric Richardson	Mr. Jammer	I Do	Kevin James	Kevin James
NBO	Kevin James	The Baron	I Come For This	Kevin James	Kevin James
OREO	Claudius Philips	Mighty Talent	Celebrate	Claudius Philips	Claudius Philips
OREO	Melizienne Richardson	Lady Mezzo	Jouvert	Claudius Philips	Claudius Philips
Robert y su Solo Banda Show	Giovanni Tromp	GT	Pega	Edgar Ras & Giovanni Tromp	Edgar Ras & Robert Jeandor
Tsunami	Mitch Almary & Maya Solis Mayta	Mitch & Singing Maya	Together Again	Carl Roosberg & Rocky Everon & Bradley Vesprey	Rocky Everon
Tsunami	Bradley Vesprey	Easy B	We Ain't Normal	Bradley Vesprey & Rocky Everon	Rocky Everon
Tsunami	Carl Roosberg	Galloway	Memories	Carl Roosberg & Rocky Everon	Rocky Everon
Tsunami	Mervin Baptiste	Blacky	Ah Going Back Home	Adolfo Richardson	Adolfo Richardson
Upgrade Music	Nigel Hoek	NGL	Jammin Selfish	Shaqeem Thomasia & Jonathan Thiel	Nigel Hoek
Upgrade Music	Freddy Richardson	Rasta	Good Times	Malaghy Richardson & Jonathan Thiel	Giendrick Boekhoudt
YX3M	Stuart Smit	StuwY	D Sauce	Harvey Agunbero	Harvey Agunbero
Zeta Band	Richard Quant	Mighty Tattoo	One More Time	Richard Quant	Adolfo Richardson



SUPER SATURDAY - FEBRUARY 9, 2019					
CAISO					
Band name	Singer	Stage name	Song title	Composer	Arranger
Ambiance	Tabitha Smith - Heemstadt	Lady Ambiance	My Hope	Tabitha Smith-Heemstadt	Dwain Elias Heemstadt
Buleria	Eugene Kemp	E.K.	Headlines	Eugene Kemp	Eugene Kemp & Rygel Isabella
NBO	Charles Hooker	Dr. Hook	Suffering	Charles Hooker	Charles Hooker
OREO	Shaun Philips	Mighty Talent Jr.	Last One	Claudius Philips	Claudius Philips
OREO	Claudius Philips	Mighty Talent	Hello	Claudius Philips	Claudius Philips
STEAM	Gerline Heyliger	Queen Lintje	Aruba What A Paradise	Janet Hughes	Trevorr Cassell
STEAM	Ralph Godet	Mighty Jaoul	For Your Child I Singing	Ralph Godet	Ralph Godet
The Creators	Gregory Lyder	Mighty Whitey	Never Trust A Politician	Gregory Lyder	Davey Cornett & Franklin Granadillo
Tsunami	Mervin Baptiste	Blacky	I Am A Master Magician	Adolfo Richardson	Adolfo Richardson
Tsunami	Carl Roosberg	Galloway	Killing Mah Rass To Live	Carl Roosberg Sr.	Samuel Jack
Tsunami	Adolfo Richardson	The Commissioner	Snakes In The Grass	Adolfo Richardson	Adolfo Richardson
Zeta Band	Richard Quant	Mighty Tattoo	Unda Nos Ta Bai	Richard Quant	Adolfo Richardson



Tur cos ta cla p’e “Super Saturday”

CUATRO anochi sensacional a resulta den 27 clasificado den categoria di Soca y 12 clasificado den categoria di Caiso. Awe diasabra, Stichting Musica ta presenta un “Super Saturday” den Aruba Carnival & Entertainment Village. E organisacion ta sumamente satisfecho y orguyoso di cada un cantante, musico, banda, compositor y areglista cu a contribui na Aruba Caiso & Soca Monarch 2019 y ta entusiasma pa mira e presentacion di esnan cu a clasifica p’e anochi final.

Portanan lo ta habri for di 7’or awe nochi y tickets ta obtenibel pa solamente 50 florin (prebenta) na Citgo Boulevard, Palm Beach, Ponton, Santa Cruz y Essoville. Ta posibel pa cumpra carchi di entrada na porta tambe, sinembargo esaki lo ta na balor di 60 florin.

Tickets for the Super Saturday Finals available at Citgo Boulevard, Palm Beach, Sta. Cruz, Ponton, Essoville and Fun Miles office.

Presale price: Afl. 50,- /

At the door: Afl. 60,-

Homber haya morto den laman na altura di Urirama



AYERA diabierna atardi pa mas o menos 3 or Central di Polis ta haya un yamada cu ta mira un curpa sin bida ta drief na altura di Urirama. Mesora ta bay n'e sitio y conhuntamente cu helicopter di Guardacosta, personal Guardacosta y personal di Cuerpo di Bombero ta logra saca e curpa for di lama.

Pa 4.55 dokter Texier a constata morto di Adrian Bastidas naci na Colombia 28 juli 1968 (50 aña). Tur autoridad competente a wordo poni na altura y a bay n'e sitio.

Kico a pasa exactamente no ta conoci.

Valentine gifts

5929064
for more info

Booshi Wever (UPP):

Ta ken lo beneficia cu mas hotel na Aruba??

GOBIERNO di Aruba tin dos cara (esaki no ta nada nobo tog). Di un banda ta laga haci un investigacion pa analisa Capacidad di Carga y di otro banda ta sigui compromete Aruba cu mas proyecto hotelero!

Gobierno mester papia idioma cla riba e aspecto di Capacidad di Carga, segun Booshi Wever.

E informacion cu a sali publica dor di Noticia Cla, unda cu ta confirma un proyecto di 900 kamer na Sero Colorado den cercania di Baby Beach sigur a causa consternacion, conmocion y decepcion grandi. UPP ta kere cu Gobierno mester bin afo y splica si e informacion aki ta corecto of no.

Den pasado nos por a tende hopi a papia cu Aruba ta “vol” y cu nos capacidad di carga a yega na su limite. Durante campaña esnan cu ta na mando a priminti cu lo bin un estudio riba capacidad di carga, pero awe nos por mira cu mientras e estudio no ta wordo presenta, proyectonan hotelero ta sigui wordo presenta, sea directo dor di Gobierno of por medio di noticia.

Dia 1 di april ta hopi leu, sino nos por a kere cu ta trata di un “big joke”, Booshi Wever a sigui bisa.

Pa varios decada tabatin e discusion con hopi mas nos lo tin cu laga e sector hotelero crece aki na Aruba. For di añanan 2000 e pensamiento a cuminsa wordo crea cu un expansion rapido y grandi di cantidad di kamer di hotel sigur lo tin su efectonan hopi negativo riba tur tereno.

For di e tempo ey caba tabata vocifera e idea cu control riba e expansion di kamer lo salbuardia nos medio ambiente, mientras cu nos cultura, nos identidad tambe lo wordo protegi. E tempo aki no a papia mucho riba e costonan pa caha di Gobierno.

Tabata un escogencia entre bin cu hotelnan grandi di multi-nacionalnan of cu sistema di boutique hotel chikito, dirigi pa hende local mes. Di e manera aki tambe lo tin beneficienan economico directo pa nos pais, compara cu placa cu ta bay afor ora

ta trata di hotelnan grandi y di companianan multi-nacional.

Placa di ganashi cu ta bay afo, pero tambe di parti di salarionan di trahadornan den hotel, cu lo bay afo pa cria famianan.

Tanto na 2004 y na 2009, atraves di un estudio di Sam Cole y Victoria Razak, ta wordo adverti contra mas expansion di e cantidad di kamer e tempo ey caba, pasobra esaki no solamente ta pone un presion riba e capacidad di carga di Aruba, pero tambe lo afecta e.o. nos cultura y nos identidad, algo cu 10 aña despues nos tur por ripara y sinti y keha riba dje.

Nan a sugeri un crecimiento di entre 50 pa 150 kamer pa aña te na 2045, pero den forma di boutique hotels. Loke nos a wak den e ultimo añanan ta hustamente lo contrario.

Segun Booshi Wever: “Nos mester ta consciente cu dia bieu nos a yega na nos limite di crecimiento den e industria aki, y cu esaki lo bay afecta negativamente e producto turistico di Aruba y e calidad di bida di nos pueblo.

Pero te ki dia nos ta bay comprende cu nos capacidad di carga a pasa y esaki riba tur nivel?

Nos parece di no kier reconoce cu Aruba ta yen.

Na momento cu a anuncia St. Regis Hotel, banda di Riu na Palm Beach, UPP ya a mostra riba tur e efectonan negativo cu tin cu binimento di un hotel. Awor pa loke ta trata e hotel aki nos ta comprende cu St. Regis Hotel a busca un compania ASDF pa realiza un raport riba e impacto di e construccion di e hotel aki di 222 kamer riba nos naturaleza (un asina yama MER: Milieu Effect Rapportage).

E mesun modus operandi aki parece cu e compania Three Rivers Real Estate NV/ Centerpoint Real Estate a sigui caba p’e proyecto di Baby Beach Resorts unda, cu segun Noticia Cla lo tin un asina yama Environmental Impact Assesment Study (EIA). Cu de facto ta mescos cu un MER”.



Segun Booshi Wever di UPP a pidi Parlamento (cu ta pretende di ta otro) pa lanta riba y exige pa bin cu un investigacion mas amplio riba e impacto di construccion di e dos hotelnan. Mescos cu Parlamento a haci den e caso di molinanan na Urirama. No solamente loke ta p’e medio ambiente, sino tambe un estudio riba e impacto social, espacial, infrastructural y midi financieramente kico esaki lo nifica pa nos finanza publico cu ya caba ta den un situacion pesimo.

Pueblo di Aruba no por acepta cu sin mas como pagador di belasting ta bolbe bay carga pa tur efectonan cu e construccion di e dos hotelnan aki lo trece cu ne. Aki nos ta papia di 222 kamer pa St. Regis y 900 kamer pa Baby Beach Resorts, yegando un total di 1100 kamer cu lo nifica un total di por lo menos 4400 trahador cu mester wordo importa.

Hopi di nan lo no contribui tampoco na caha di Gobierno cu belasting mirando cu segun e Reforma Fiscal mayoria di nan lo no ta cay den bracket pa paga belasting.

Y aki no a papia ainda di e “gezinshereniging” cu por tuma lugar despues di 3 aña caba segun e maneho nobo implementa pa Minister di Husticia y apoya dor di Parlamento. Aki nos por yega na por lo menos 18.000 + hende cu lo bin acerca. Pero parece cu ningun hende ta interesa mes den nos capacidad di carga.

UPP ta urgi pa bin un investigacion riba tur e aspectonan di impacto cu e hotelnan aki lo tin riba nos pais.

Un investigacion haci dor di instancia neutral, y no dor di un compania cu a wordo busca dor di e desaroyadornan mes. Pa colmo e compania cu ta ehecutando e estudio di MER pa St. Regis, tin su lazonan cu partido di coalicion actual y e pregunta ta si nos por confia e resultado aki???

Aki un biaha mas ta parece cu populismo ta mas importante cu e bienestar di nos pueblo y ta pensa riba e siguiente eleccion enbez di pensa riba e siguiente generacion, Booshi Wever a conclui.

Aruba Lions Club a organisa presentacion na su miembro y interesadonan



Aruba Lions recientemente, den su afan pa informa, educa y eleva conocimiento su miembronan y primordialmente esnan cu mas recien a ser instala, a organisa un exitoso y interesante training bao direccion di Lion Frank Croes.

E ta un Past District Governor cu tin mas cu 30 di experiencia den Leonismo y cu recientemente a ser honra pa Lions Club Internacional cu un Chevron Award pa tur su aña di servicio.


T'e intencion di Aruba Lions Club pa organisa mas di e tipo di presentacionnan aki y lo ofrece e oportunidad n'esnan den comunidad cu interesa den e trabao voluntario di un Lion pa atende nan gratituamente.

Tambe lo por comunica y haña sa mas di e trabao di Lions siguiendo nos organisacion riba facebook bao number di "Lions Club of Aruba".

Aruba Lions Club tin mas di 70 aña caba ta duna servicio na comunidad di Aruba y ta afilia na district N35 cu ta Bahamas, Florida, Aruba, Bonaire y Curacao.

Tur presentacion ta ser teni den e clubhuis di Aruba Lions Club situa dilanti di Eagle Tennis Club.

Sport Centrum San Nicolas a haya iluminacion nobo



Minister di Deporte sr. Dangui Oduber ta contento di por anuncia cu diarazon atardi e sport centrum na San Nicolas a haya lusnan nobo p'e cancha y facilidad.

For di aña 2009 e renobacion di e sport centrum aki a keda aproba den e presupuesto di e tempo ey, pero manera ta custumber di e Gobierno anterior nada ta wordo haci.

For di comienso di e gobernacion actual Ministerio di Deporte a haci un inventarisacion di tur e complehonan deportivo na Aruba cu ta den mal estado y e biaha aki a toca turno na IBiSA na San Nicolas. A constata cu e lusnan ta den hopi mal estado y ta trece un peligro n'esnan cu ta haci uzo di e cancha y mas facilidad.


Mescos cu e sportcentrum, tur compleho lo bay ricibi nan debido atencion segun Minister Dangui Oduber.

Awor cu tin iluminacion riba e cancha aki, por practica deportenan manera basketball, volleyball y mucho mas den oranan di atardi pa anochi tambe.

Hopi t'esnan cu ta haci uzo di sportcentrum San Nicolas pa haci deporte y tambe zumba, tanto hende grandi como muchanan.

Na sport centrum tambe tin e programa di "Hoben Activo Hoben Feliz" cu ta 3 biaha pa siman y ta pa muchanan di edad di 8 pa 13 aña. Minister Dangui Oduber ta encurasha tur mayornan cu ta biba na San Nicolas pa hiba nan yiu haci deporte y movecion despues di scol.

Destino di exportacionnan di oro di Venezuela

Prome Minister: “Mi no tin ningun informacion di e hecho ey”*Direccion di Paoro*

Edificio di Arulex Center na Oranjestad, unda ta estableci e compania Paoro Armored Transport y e bufente di tata di Prome Minister Evelyn Wever Croes, kende ta propietario di e edificio.

E number di e compania aki no ta aparece den e directorio na entrada.

DESDE 2018, Suisa, e destino tradicional di oro di Venezuela a cuminsa desaparece for di radar. E pais aki a wordo desplaza door di paisnan manera China, Emiratonan Arabe Uni (Dubai) y specialmente Turkia, a confirma na juni ultimo door di e mesun Minister di Desaroyo Ecologico, Victor Cano, admitiendo cu e medida aki ta “evadiendo e sancionnan economico” imponi door di Union AEuropeo contra algun funcionario di Gobierno di Maduro.

“(Maduro) ta sacando e oro di Arco Minero y hibando esaki pa Turkia sin ningun tipo di control,” a acusa e diputado na Asamblea Nacional, Julio Borges, mediante un comunicado dia 10 di juli, 2018, na ocasion di un bishita di e mandatario Venezolano na e pais euro-asiatico. “E biahe di Maduro ta vincula na corrupcion y no lo trece beneficio pa e Venezolanonan. Al contrario, e ta hipotecando y entregando futuro di e pais,” el a condena.

Di e cambio di ruta aki tambe e base di dato importgenios ta consciente: entrante 2018, 23,6 ton di oro a sali for di teritorio Venezolano, di cualnan 72.8% ta bay Turkia awo. Pero apesar di e cambio di ruta aki, e oro ta sigui huy na druppel via di e islanan ABC. E vuelonan di oro cu escala na Aruba y Corsou a sigui nan curso incluso durante e cierre di comunicacion aereo y maritimo cu Antia, manera a keda demonstra cu e confiscacion di e maleta cu 50 kilo na februari, 2018.

Autoridadnan di Aduana di Aruba a confirma na juni, 2018 na runrun.es cu despues di e confiscacion di e 50 kilonan, a yega por lo menos dos buelo mas cu cargamento di oro.

Na 2017 un total 17 buelo a baha na Aruba procedente di Venezuela cu un carga averahe di 25 kilo di oro cada un, loke ta duna un total di mas o menos 425 kilo di oro den 2017, a wordo revela door di un miembro di directiva di Aduana di Aruba, kende a prefera di keda anonimo. E director di Aduana di Corsou, Etienne Casiano, tambe a sigura cu na juni di 2018 e vuelonan di oro procedente di Venezuela no a stop.

E cifranan cu ta wordo presenta como produccion di oro na Venezuela ta tiki en comparacion cu otro paisnan Latinoamericano manera Peru, e di seis producto mundial di oro cu 162.3 ton na final di 2017. Tambe ta conta Mexico (130,5 ton) y Brasil (79,9 ton), segun e informe 2018 di GFMS Gold Survey Thomson Reuters.

E ultimo cifra oficial di oro saca, raporta door di Ministerio di Petroleo y Mina Venezolano tabata di apenas 420,75 kilo (menos di loke a pasa via di Aruba), cu tabata un tercera parti di e meta di 1.531 kilo di oro den un aña, segun e memoria

y cuenta 2015 di e entidad ey. Ministerio di Desaroyo Minero Ecologico, crea na 2016 ora cu a separa e sector petrolero di e mineralnan strategico, a raporta cu na final di 2017 a entrega 7.8 ton na BCV.

E oro nunca tabata e principal producto di exportacion di Venezuela, apesar di us potencial industrial. Na 2016 segun Atlas di Harvard, si a alcanza e di tres lug: e oro a representa 6.57 porciento di e exportacionnan di Venezuela (\$1,86 mil miyon) compara cu 80,26 porciento di petroleo crudo y derivadonan equivalente na \$22,72 mil miyon).

Buelonan di oro den transito

E noticia di confiscacion di e 50 kilo di oro pa supuesto contrabando y labamento di placa a altera e ambiente normal di e aeropuerto turistico di Aruba, unda cu e avionnan ta baha casi na rand di lama. Aunke di forma encubri, te cu e momento ey, e comercio di e mercancia ey tabata fluctua sin bista di ilegalidad segun pensamiento di tanto autoridadnan di Aduana di Aruba como Abogado Helen Lejuez

Lejuez, kende inicialmente a ocupa su mes cu e defensa huridico di e dos Venezolanonan deteni, entre nan e doño di e compania encarga di e transporte te cu Dubai, Paoro Armored Transport Aruba.

E compania aki, estableci formalmente na 2003, ta ofrece servicio di transporta di cosnan di balor pa shete (7) añacaba e tempo ey, entre cual tabata exclui exportacion di baranan di oro via di Aruba, Belgica, Hulanda y Merca te cu Dubai. E ta registra na Camara di Comercio di Aruba, segun a wordo confirma e tempo ey dor di e director Ernst Mohamed, kende a wordo consulta riba e tema pa e investigacion cu runrun.es tabata haci.

“Nan a confisca e oro sin motibo legal. E trahado di Paoro ta ilegalmente señala como sospechoso di labamento di placa y falsificacion,” Lejuez a declara na prensa local na april, 2016.

Rekisitonan pa exporta for di Venezuela

E historia di e 50 kilonan ta wordo reconstrui for di e momento cu esaki a keda registra den prensa local: dia 6 di januari, 2018, Paoro ta ricibi un orden pa recoge na Maracaibo un maleta cu 46 bara di oro pa cuminsa un biahe largo te cu su destino final: Dubai. Dia 9 di januari el a yega Aruba procedente di Maracaibo riba un buelo di Aruba Airlines.

Ora cu e mercancia a yega aeropuerto Reina Beatrix, e director di Paoro, Toro Rodriguez a ricibi e escolta Douanero encarga di transporta y transferi e mercancia den transito y a compañía e oro pa formalisa tur e documentonan na Aduana, siguiendo e mesun procedura di antes, segun Lejuez a bisa prensa local.

E compania mixto Oro Azul ta e compania Venezolano cu tabata comercialisa e mercancia ey balora na

\$2.130.693 y cu tabata conta cu autorisacion di e Gobierno Venezolano, e Abogado a insisti. Na april, e compania di transporte a sigura cu e orden di detencion y confiscacion di parti di Ministerio Publico tabata costa entre \$20.000 y \$30.000 pa cada dia cu e oro no yega Dubai. Na mesun momento, e cliente di e capital di Emiratonan Aruba (e refineria), lo por perde e contracto haya cu un compania Italiano pa suministro di materia prima pa fabricacion di joyanan.

A bini cu un otro Abogado, Eldon Sulvaran, cu tin su bufete na Corsou. Na juni, 2018, un siman despues di a tuma e caso over, el a logra liberacion di e dos Venezolanonan representantenan di Paoro. Na Willemstad, el a abstene di duna un declaracion na runrun.es alegando cu e investigacion na Aruba ta sigui.

E caso di e oro confisca a causa un discucion den Reino Hulandes. Secretario di Estado Raymond Knops, a contesta preguntanan for di Amsterdam na Ronald van raak (Parlamentario na Holanda) riba e posibel contrabanda di oro. E funcionario a bini riba e tesis cu no ta trata di exportacionnan ilegal di oro pa Corsou of Aruba, sino di un transferencia di oro cumpra legalmente y cu mester spera conclusion di e investigacion.

Un Parlamentario di oposicion na Aruba, Robert Candelaria, a exige Prome Minister Evelyn Wever Croes pa contesta riba e tema di 50 kilo di oro y su vinculacion cu Toro Rodriguez, doño di e compania cu a transporta e material, y kende a wordo identifica como escolta cu a compañe durante e campaña di eleccion Parlamentario.

Paoro Armored ta un di e companianan contracta specialmente pa transporta oro cumpra den mercado internacional, teniendo Corsou y Aruba como punto di transito. E ta situa den edificio Arulex Center, den Italiestraat, cu su propietario ta tata di Prome

Top 10 de productores de oro del mundo

*La cifras son expresadas en toneladas y corresponden al año 2017



Total mundial 3246,5

Fuente: GFMS, Thomson Reuters

Minister Wever Croes. Eynan ta situa tambe e bufete di Abogadonan di e famia di e ehecutivo di Aruba.

Dia 26 di november, 2018, a puntra Prome Minister Evelyn Wever Croes telefonicamente riba su supuesto vinculacion cu Paoro Armored Transport como tambe su posicion pa loke ta e confiscacion di 50 kilo di oro na Aruba, riba cual el a contesta: “Mi no tin ningun informacion di e hecho ey.”

Manera cu sa sosode cu otro companianan, Paoro ta haci uzo di e figura di escolta of convoy douanero como medida di siguridad pa transporta e oro. Pero e practica aki ta fomenta “e falta di transparencia den e proceduranan y ta stimula corrupcion riba henter e ruta di transito,” ta wordo adverti den e Manual di Directivanan di Organizacion Mundial di Aduana (OMA).

“Ni pa joke mi ta sali di aeropuerto di Venezuela cu un carga di oro, lo ta pa nan matami,” a wordo confesa door di un escolta di oro na Barcadera, haf di carga di Aruba, kende a prefera pa e keda anonimo, door di su biahenan pa Dubai unda e mester a entrega oro.

E doño, Toro Rodriguez, kende tabata deteni cuatro luna pa investigacion na Aruba, a nenga di duna su version na runrun.es alegando cu e no mag duna declaracion pasobra ainda e caso ta habri.

E compania Paoro tambe ta aparece den e registranon di Paradise Papers cu e number di Direct Services N.V, cu tabata e number original di e compania crea dia 21 di februari, 2003 cu un capital di 55 mil florin (30 mil 547 dollars). E tabata opera como compania di siguridad y transporte di balornan y su prome director tabata Faissal Ramses Barroso Ortiz, naci na Bucaramanga, Colombia, cu nacionalidad Hulandes, segun e registro di Camara di Comercio di Aruba.

Dia 17 di april, 2012, e compania a cambia di number pa “Aruba Security Academy and Shooting Range” y ta muda pa Arulex Center, y ta drenta como propietario di esaki e Venezolano Hulandes Juan Carlos Toro Rodriguez. Dia 17 di september, 2014, ta cambia e number pa esun actual: Paoro Armored Transport Aruba.

Minister Ingrid van Engelshoven a bishita Aruba



RECIENTEMENTE Minister di Finansa, Asuntonan Economico y Cultural a ricibi bishita di Minister di Educacion, Ciencia y Cultura di Hulanda, sra. Ingrid van Engelshoven.

Esaki ta e prome bishita di e mandatario na nos Pais Aruba. Minister Ruiz-Maduro a reuni cu e mandatario Hulandes riba topiconan di interes mutuo manera conservacion di herencia cultural intangibel y e maneho pa duna bida bek na e monumumentonan.

Alabes Minister Ruiz-Maduro a asisti na un lunch cu Minister van Engelshoven a ofrece den cuadro di emancipacion di hende muher, cu a hiba e tema 'Hende Muher na Mando'. Esnan presente a intercambia di experiencia y asina duna un bista di e retonan y logronan di hende muher na posicionnan clave den nos Pais.

E siman aki Minister Ruiz-Maduro tambe tabata invitado di colega Minister Ingrid van Engelshoven pa un cena hunto cu diferente instancia y artista di Aruba pa asina e mandatario hulandes por conoce un tiki mas di e escenario cultural di nos Pais. Presente tabata tabata tey Sra. Vicky Arens di Cas di Cultura, Sra. Rynne Hernandez di UNOCA, Sra. Anky Vrolijk di Fundacion Maneho di Museo Arubano, artista Elvis Lopez, Sr. Tito Bolivar Art Fair Aruba, Sr. Erik Jan di Purple Entertainment hunto cu e representantenan di Hulanda na Aruba y Corsow y conseheronan di e Ministerio di Educacion, Ciencia y Cultura di Hulanda. Den un areglo bunita riba e tarima di Cas di Cultura tur invitado por a presenta nan mes y conta riba e trabao- y retonan cu tin pa por sigui engrandece cultura na Aruba y den Reino.



Analizando diferente declaracion por constata cu

Tin un confusion grandi kico lo pasa cu CITGO



DEBI na situacion na e.o. Corsou cu e refineria cu ta wordo opera pa PDVSA, cual contrato ta expira e aña aki, y si analisa e decisionnan tuma pa Gobierno di Donald Trump y por ultimo e situacion reinante na Venezuela mes,

ningun gobernante na Aruba mes no sa kico ta bay pasa.

Gabinete di Evelyn Wever Croes ta prefera di sinta wak kico ta pasa, pero ta haya ta bon pa culpa Gobierno anterior di loke cu lo por pasa cu CITGO na Aruba.

Evelyn Wever Croes a declara cu CITGO a duna di conoce cu nan tin como 34 milyon dolar pa ehecuta di dos fase, pero ningun hende no ta mira ningun clase di movecion, anto unda e placa a keda deposita.

Tabata e siman aki, cu Boy Anthony, Presidente di sindicato IOWUA, kende a bin afo, cu e situacion ta preocupante den e refineria, unda tin hasta varios contratista sin por cobra. Cu un ora pa otro, nan ta cla pa pone trabao abao.

Minister di Trabao, Glenbert Croes, lo t'e mandatario pa sigui di serca e desaroyo den e refineria, pero e mesun Glenbert Croes a laga cu e no ta involvi mas, pero ta Minister Evelyn Wever Croes, ta encarga cu maneho di energia y consecuentemente tambe cu e refineria.

Boy Anthony a bisa cu el a sinta cu Minister Glenbert Croes y cu e contratistanan, y no a logra nada. Mientrastanto e trahadornan Meri-

cano, a dicidi di bay bek Merca. Despues di a haci varios peticion pa un reunion, sin haya reaccion, no ta keda nada otro di pone trabao abao. Y esnan ta kere cu esaki no tin efecto, lo ta equiboca. Si e avionnan no haya jet-fuel, e fuel-oil cu mester pa WEB Aruba N.V. y pa loke ta gasoline mes pa pueblo, si no por haya esaki, lo causa un disaster.

Boy Anthony ta urgi Gobierno pa nan lanta for di soño y bin duna pueblo informacion, Stop di papia cu tin hopi interesando den rij. Esaki ta un fantasia, pasobra no tin nada ta sosodiendo den e refineria. Gobierno no bin papia cu IOWUA, nan lo tin cu carga cu e consecuencia.

Prome Minister Evelyn Wever Croes ta bisa cu e no tabata na altura di e situacion reinante den e refineria. Esaki ta straño, pasobra segun Boy Anthony el a reuni cu Gobierno, pero despues mesun Gobierno aki a bay reuni cu CITGO, sin participacion di IOWUA. Ta nan bon derecho, pero kico a ser logra?

IOWUA kier claridad pa sa kende lo sigui paga nan. Si cuminsa manda planners, contratistanan cas, ta con lo por sigui opera e refineria. E situacion aki un tutu, of un puzzle. Gobierno mester bin afo, y papia cu e pueblo pa sa kico ta pasando.

Boto Venezolano piscando den awa teritorial di Aruba



E siman aki, den ora di merdia Panter, e boto di patruya di Guardacosta a bay controla un contacto sospechoso riba notificacion di Centro di Rescate y Coordinacion (RCC) di Guardacosta.

Na yegada a nota cu e barco procedente di Venezuela tabata piscando ilegal den awanan di Aruba.

E barco tabata usa e sistema di pesca cu Palambra, cual tambe ta yama 'long-line'. E sistema aki ta prohibi pa usa pa leynan di Aruba. Na momento cu e barco a notifica e patruya di Guardacosta nan a core sali for di e awanan teritorial di Aruba.

E patruya di Guardacosta a saca e Palambra for di awa y a destrui esaki. E piscanan cu a confisca a ser entrega na Fundacion Elizier.



Analisis (3 y final)

Según Bolton, un golpi di estado militar di Merca na Venezuela no ta eminente aworaki

Pa: Gregorio Wolff



UN golpi di estado sin e apoyo di pueblo no ta bay surgi pesey e declaración di Bolton den fin di siman pasa cu a pasa, cu un golpi di estado na Venezuela no ta eminente n'e momentonan aki, pero e ta keda un opción den futuro.

Bolton ta un persona sumamente peligroso, e tabata envolví den tur e golpinan di estado di Merca den siglo 21, sea ta directo of indirecto, un cos ta sigur, e ta papia berdad.

Sigur ora el a wak e reunión di Juan Guaido cu algún mil demonstrante y e demostración masal di Gobierno Nicolas Maduro di algún cien mil demonstrante.

Tambe si considera, e no-apoyo di militarnan Venezolano, no-apoyo di OAE (Organisacion di Estadonan Americano), no-apoyo di Consejo di Seguridad di UNO, na Juan Guaido.

Pues nos por spera otro táctica(nan) di Merca prome cu e golpi di estado.

Un cos ta sigur e sancionnan y boycott ta bira mas severo y cualnan ta bay trece mas miseria.

Miseria por pone hende cambia di opinión, sigur esey ta parti di e strategia cu ta bay ser uza.

E por bay den un extremo negativo pa Gobierno di Maduro si e no por alivia e miseria.

Tambe p.e., ocupación di un territorio Venezolano, dor di hendenan liga na Juan Guaido y directamento cu apoyo militar di Merca. Igualito na loke a sosode na Syria ultimo añanan.

Maduro ta sigui bisa cu e ta dispuesto pa dialoga y ta pidi Venezolanonan pa ta Pro-Patria

Mester menciona cu e declaración di John Bolton, kende a bisa siman ariba ya, cu ya Gobierno di Merca ta papiando cu e principal companianan Estadounidense pa nan bay produci e petroli Venezolano, cual ta un oportunidad di negoshi pa empresanan Mericano.

El a bisa cu tin mucho den e wega aki, pa tur cos sali corectamente pa Merca y a papia di e derocamento di Gobierno di Nicolas Maduro.

Pues awe ta claro pa tur Venezolano kico Gobierno di Merca kier.

1. Baha Gobierno Maduro via un golpi militar;
2. Tur petroli Venezolano y otro miniralnan ta bay pa Merca.

Juan Guaido tambe a bisa cu e ta bay privatisa tur e negoshinan di petroli di Estado Venezolano. Ya Merca a coy CITGO y nan ta kibrando PDVSA.

Consecuencia di esaki ta, cu pa Nicolas Maduro, argumento a bira mas fácil awor.

Bo ta Pro-Patria, esta bo ta cu Gobierno di Venezuela pa mantene tur riqueza pa Venezuela y contra un golpi militar di Merca.

Of bo ta Anti-Patria apoyando e golpi military di Merca cu Guaido y laga Merca apropiá tur e rikezanan di Venezuela.

Berdad y rasonamento corecto t'e promenan cu ta muri den guerra

Awe ta bisto un guerra mediatico, cual ta pa crea e caminda p'e guerra militar.

E promenan cu ta muri den e guerra mediatico y guerra militar t'e BERDAD Y RASONAMENTO CORECTO.

Laga nos spera cu e mediación di Uruguay, Panama y Mexico ta sigui su curso, partidonan ta dialoga y yega na un bon acuerdo.

Minister Hulanda di Enseñanza, Cultura y Ciencia a haci un bishita na Aruba



TABATA diaranson 6 y diahuebs 7 di februari ultimo, cu Minister Hulandes di Enseñanza, Cultura y Ciencia, sra. van Engelshoven a haci un bishita na Aruba, como parti di su bishita di trabao n'e 3 islanan di Caribe Hulandes.

Minister van Engelshoven a bishita e.o. Universidad di Aruba, Instituto Pedagógico Arubano y Colegio EPI.

Banda di esaki, el a bishita tambe Gobernador Boekhoudt, Prome Minister Evelyn Wever-Croes y e a bishita tambe su coleg, Armando Rudy Lampe.

Tambe e Minister Hulandes a papia cu un delegacion di hende muher den posicion ehecutivo y tmabe a bishita varios monummento y tabatin un cena cu hendenan di sector cultural na Cas di Cultura.



Van Engelshoven a duna di conoce; “Mi tabatin combersacionnan masha interesante na Aruba y sigur cu e hendenan muher den funcionnan ehecutivo y tambe cu studiantenan MBO, cu esnan involvi den cultura y sigur cu studiantenan den estudio pa bira docente”.

Con Safe Nos Muchanan ta Online?

AWENDIA nos por observa cu un cantidad grandi di nos mucha y hobennan ta haci uzo di aparatonan electronico, mihor conoci como *smart devices*. Nos por pensa e.o. riba tablet, celular, laptops, etc.

Na Aruba 80% di uzadornan di internet ta hobennan, segun Bureau Central di Estadisticanan di Aruba (CBS, 2017).

Dia 5 di februari tabata *Safer Internet Day*, un dia pa promove y stimula uzo positivo di internet bou di nos mucha y hobennan. Esaki mas cu claro ta necesario, como cu e uzo di internet por trece consecucionan cun'e. *Abo sa con safe nos muchanan ta online?*

Tin diferente motibo di cual mucha y hobennan ta haci uzo di aparatonan electronico y internet. Internet ta wordo uza hopi pa hunga *weganan online*, scucha musica, aumenta creatividad, pero tambe pa comparti y conecta cu amigonan. Tremendo tog?

Ademas nos mucha y hobennan por adkiri diferente conocimiento y habilidadnan dor di haci uzo di internet. Internet tambe tin un funcion educacional; hobennan por haci uzo di aparatonan electronico y internet pa haci nan tareanan y proyectonan di scol.

Uzo di medianan social ta nifica: *posting & sharing*. Uzo di medianan social ta inclui: Creacion di un perfil, post potret, laga comentario, chat, subi potret y video, comparti links, etc (Raising, 2018).

Medianan social, mihor conoci como *social media*, ta hunga un papel importante den e bida diario di nos mucha y hobennan.

Restriccion di edad pa plataformanan popular manera Facebook, Instagram, Snapchat, Twitter, etc. ta 13 aña bay ariba. Uzo di YouTube pa wak videonan tambe ta 13 aña minimo, pero cu permiso di un adulto, como cu ta cuenta di e adulto mester wordo uza pa tin acceso ariba YouTube (Graber, 2014).

Lamentablemente no tur ora ta wordo cumpli cu e regla aki y asina nos por wak muchanan di 8 aña cu un cuenta di Facebook of Snapchat, maske esaki ta bay contra nan "*policy*".

Restriccion di edad p'e uzo di medianan social ta di suma importancia. Ora un mucha traha un cuenta riba medianan social su informacion personal lo ta na peliger, e.o. su number completo, adres, number di telefon y otro datonan cu lo por identifica e mucha su ubicacion.

Na Merca e ley di COPPA (Children's Online Privacy Pro-

tection Rule) ta proteha tur mucha bou di e edad di 13 aña. Lamentablemente e ley aki no ta aplicabel pa Aruba.

E ta un deber di nos tur como adultonan responsabel pa guia y stimula tur nos mucha y hobennan dor di papia cu nan y informa nan di e peliger di comparti informacion personal den e mundo virtual.

Muchanan bou di 13 aña no a desaroya e habilidadnan cognitivo ainda pa tuma decisionnan saludabel encuanto e uzo di internet, nan mester di nos guia pa cu e parti aki (aunke nan wak nos cu un cara zuur) (Graber, 2014).

Apesar di tin varios beneficio, internet tambe por tin algun inconveniencia y risico pa nos mucha y hobennan manera: Wordo exponi na contenidonan inapropia, violento y/ of sexual

subimento facil di potret y videonan bergonsoso of kisas provocativo riba medianan social;

partimento di informacion personal cu hende straño *cyber-bullying*: tentamento riba medianan social.

Prohibicion tin poco sentido... dus kico nos como adulto por haci pa proteha nos mucha y hobennan?

E esencia ta comunicacion. E mihor manera pa proteha nos muchanan ta dor di papia cu nan y haci palabracionnan.

Papia tocante uzo positivo di internet; puntra e mucha con e lo comporta y con e lo kier wordo trata dor di otronan riba medianan social.

Un investigacion recien na Hulanda ta indica cu un 83% di mayornan ta wak telefon di nan muchanan (Telegraaf, 2019). Controla e telefon di nos mucha y hobennan constantemente no ta un solucion, esaki lo por te hasta haci cu nan lo por distancia nan mes mas di nos y te hasta perde confiansa den nos. Esaki nos no kier, nos kier juist pa nos mucha y hobennan confia nos. Ademas nos muchanan tin derecho riba privacy.

Pa ningun motibo (ni pa con special e momento por ta) no post potret sunu of cu poco paña di nos muchanan riba medianan social of *messaging apps*, manera Whatsapp.

Investiga hunto con pa haci e uzo di internet na un manera mas safe (un articulo tocante "*seguridad online*" lo wordo publica den transcurso di aña).

Uza *privacy settings*: haci esaki hunto. Splica tambe cu NO mester comparti *password* cu niun hende, ni maske nan ta personanan di confiansa. *Password* ta algo personal!

Aplica e regla: "*Bo no conoc'e, no acept'e!*" (Ben-Joseph, 2018). *Be a role model!* Nos muchanan ta siña di adultonan cu ta importante den nan bida. Asina ta...sea un bon ehempel.

Pa mas informacion tocante e articulo aki yama: Fundacion Respeta Mi na 582-4433

Pa tips of conseho di con pa comunica y guia bo yiu yama: Tienda di Educacion na 161 (gratis).

Sinthya Ridderstaat ta na Washington DC



DIA 2 di november, 2018, estudiante di OGM, Sinthya Ridderstaat a defende exitosamente su tesis, den presencia di su famia y amigonan den aula di Universidad di Aruba. Sinthya a presenta e resultadonan di su investigacion riba desaroyonan local y internacional pa cultura, pa yuda legisladornan desaroya politicanan di cultura sostenibel na Aruba.

E pregunta di investigacion tabata: “Con structuranan internacional, manera SDG’s y UNESCO, por contribui n’e desaroyo di maneho cultural participativo y sostenibel na Aruba, segun legisladornan, organisacionnan cultural nobo y organisacionnan cultural estableci?”

Basa riba e marco aki y mediante entrevistanan, a colecta data tocante e colaboracion di e Gobierno Arubiano y e actornan den sector cultural. E resultadonan ta muestra cu e participantenan ta di acuerdo cu e necesidad pa cultura bira un prioridad p’e secto gubernamental. A largo plazo, esaki por wordo logra mediante di un procedura participativo pa traha maneho cultural. Basa riba e resultadonan y literatura, Sinthya a presenta strategianan concreto cu un enfoke riba instrumentonan y guianan internacional, maneho cultural gubernamental, actornan cultural, topiconan cultural actual y nan influencia riba desaroyo cultural sostenibel.

Despues di un presentacion cortico, Sinthya Ridderstaat a defende su tesis den presencia di e comite di graduacion dr. Luc Alofs y drs. Birgit Kreykenbohm. E miembro externo di e comite tabata sra. mr. Armin-da Franken-Ruiz BSc, kende tin experiencia amplio den sector cultural. E comite a elogia Sinthya pa su investigacion relevante, e transformacion practico di e contenido, y su recomendacionnan realistico y constructivo cu lo contribui pa traha maneho cultural na Aruba den futuro. E comite a expresa su aprecio pa su participacion activo den cultura, y a enfatisa su potencial como investigado y futuro trahado den maneho cultural.

E Facultad di Arte y Ciencia ta orguyoso pa informa cu actualmente Sinthya Ridderstaat ta na Washington DC pa un “traineeship” bou di guia di sra. mr. Jocelyn Croes, Minister Plenipotenciario pa Aruba na Embahada Hulandes.

Reina Filomena College MAVO cu sosten grandi di Maybelline New York

DIABIERNA 15 di februari 2019, Filomena College MAVO na San Nicolas tin su grandioso eleccion di Reina, Princesita y Prins cu Pancho 2019.

Cu alegria e maestro organisadonan ta gradici di awor caba e liña di beyesa Maybelline New York p'e cooperacion grandi n'e evento.

Total tin 9 Reina y 3 pareha Prins cu Pancho participando. Un hurado di Carnavalistanan profesional lo ta sacando e ganadonan.

Un y tur ta keda invita pa presencia nos evento dia 15 di februari 2019 riba tereno di Filomena College MAVO. Danki na tur otro cu di un forma of otro ta cooperando cu nos evento.



Eleccion Reina Lilly-Putters 2019: "Celebrando 41 aniversario"



ISABELLA SOLAGNIER
Y
JERRSON BISLIK



ALIYAH THIEL
Y
ETHAN MALMBERG



JAYZIANNE THEODORA
Y
BRANDON PONSON



AMY LEAH IBRAHIM
Y
KAI CROES



JOH- NUIS NOOR
JOKER



RIVER-LYNN FOWLER
Y
ELIAS ARENDS



JAYXIANNE RODRIGUEZ
Y
JACOB CROES



DIVA QUANDUS
Y
CALEB CROES

NOS ta invita henter Aruba pa bin admira e tan famoso eleccion di Reina di Lilly-Putters.

Uno masha conoci pa su bunita stage y e manera con e Reinanan ta wordo corona y premia.

Bini uno bini tur na Renaissance Convention Center, diadomingo awor pa 5:00pm.

Biba Carnaval Biba Lilly-Putters.



DENNISE ODUBER
Y
TERRENCE WILLIAMS



Aruba ta ehempel den henter Caribe

Clubnan di futbol entusiasma cu plan strategico di AVB

FEDERACION di Futbol, Arubaanse Voetbal Bond (AVB), a presenta su plan strategico durante un presentacion n'e clubnan afilia. E teamnan presente a ricibi tur informacion relaciona cu contenido di e plan strategico aproba pa directiva di AVB na november 2018.

Meta tras di e plan strategico aki ta p'e federacion por demostra stakeholdernan e direccion cu nan ta hibando e deporte rey di nos isla.

AVB t'e prome federacion den Caribe cu a entrega un plan strategico na FIFA, asina Presidente di AVB, ing. Richard Dijkhoff, a indica. Despues di esaki CONCACAF y FIFA ta uzando e plan aki awor como ehempel pa tur otro federacion den Caribe.

Aruba como tal ta canando dilanti den cumplimento cu e reglanan nobo y exigente di FIFA. Den e plan por nota e proyectonan cu prioridad den futbol riba nos isla, manera ta futbol hubenil y futbol femenino.

A imprimi e plan strategico aki den forma di un buki y a grabe riba un USB Stick cu a entrega na tur e clubnan presente.

A invita tambe algun stakeholder manera ASU, FFD, Lotto pa Deporte, Sport Subsidie Commissie, COA y mas pa tambe cera conoci cu e plannan di AVB, aproba p'e federacion regional y esun mundial.

“Nos kier pa tur hende sa e rumbo cu nos ta tumando cu futbol na Aruba. Nos mester tur hende participa cu nos den e proceso, pero prome cu esey, mester a informa tur hende di nos plannan”, di acuerdo cu ing. Richard Dijkhoff.

AVB kier pa clubnan y demas organisacionnan reconoce tur nan proyecto, cu ta nace y ta inclui den e plan strategico.

Por ehempel hubentud tin su retonan cune. Den e plan ta stipula cu lo traha cu otro federacionnan, cu Gobierno, cu scolnan pa uzando e deporte Rey, combati pobreza, combati obesidad y retonan di comportacion y di problemanan social entre hobennan.

AVB recientemente a apunta Reynaldo Geerman den funcion di Secretario General interino. E ta un persona



cu un estudio y amplio experiencia riba tereno financiero, pa cual lo brinda su aporte pa mara tur e proyectonan den e cuadro financiero presenta y aproba dor di FIFA. Cu un persona di e caliber aki, AVB ta convenci di lo por ehecuta e plan aki cabalmente.

S.V. Dakota ta un di e clubnan presente durante e evento. Nan a keda hopi contento cu e plan strategico 2018-2022, asina Gilmar Croes, Presidente di S.V. Dakota a expresa.

E plan strategico ta bon hinca den otro cu puntonan di hopi importancia p'e desaroyo general di futbol. No solamente hobennan, pero tambe futbol di Aruba por siugi desaroya.

Si bo ta enfermera nivel 4

Ata bo oportunidad pa sigui un estudio di HBO (Bachelor) den “Maatschappelijk Gezondheidszorg” (MGZ)



Curaçao) lo cuminsa cu e estudio di “Maatschappelijk Gezondheidszorg” aki na Aruba.

PA Maart 2019 Departamento Sociaal Psychiatrico, hunto cu Departamento di Salud Publico, den cooperacion cu Crisis Plan Social di Gobierno di Aruba y Instituto pa Formacion den Enfermeria (IFE

Mirando e necesidad pa mas enfermeranan riba e tereno di cuidu social na nivel halto di educacion, a dicidi di cuminsa e estudio aki pa di dos biaha na Aruba. En principio tur enfermera nivel 4, cu minimo dos aña di experiencia por tuma parti na e estudio aki. Aunke e enfasis lo wordo poni na e enfermeranan trahando cu hubentud y esnan trahando na Departamento di Salud Publico, Hospital, Wit Gele Kruis, SVGA, Centro Medico, FMAA y KIA. E estudio tin un duracion di dos aña y mei. E prome aña lo ta general y e di dos aña lo wordo parti den dos seccion, cu ta “Cuido di Salud General” y “Cuido di Salud Mental”, cu extra atencion pa seccion hubenil. E ultimo mita aña lo ta general. Inscripcion ta habri y tin cupo pa solamente 20 participante. Ta pidi esnan cu a registra caba den pasado pa tuma contacto pa sa si nan ta participa ainda. Pa mas informacion interesadonan por tuma contacto cu sr. Rafael S. Lopez, coordinador di e proyecto aki pa IFE-Aruba, na telefon 5928170.

INVITACION FIESTA DI LA BIRGEN DI LOURDES

Pastoornan Rey y Raffy di Parokia Sta. Theresita di Niño Hesus hunto cu Comishon Grot di Lourdes Aruba ta invita Pueblo di Aruba en general pa asisti na e Fiesta di La Birgen di Lourdes, dialuna 11 di februari proximo. E dia ey nos ta celebra e di 161 aniversario di e aparicion di La Birgen di Lourdes na Bernadetta. Alavez e Grot di Lourdes Aruba lo ta celebrando su 60 anja di existencia. Lo tin un procession cu lo sali for di cura di Misa pa 5:30 pm direccion pa Grot di Lourdes. Pa 6:30 pm lo sigi cu un Santo Sacrificio di Misa concelebra. Na e Santa Misa aki tur enfermo presente por ricibi e Sacramento di Enfermo.

Nobena na honor di La Birgen di Lourdes:

Dia	Ora	Lugar
Diasabra 2 februari	6:15 pm	Kapel Emmanuel
Diadomingo 3 februari	5:45 pm	Misa Sta. Theresita
Dialuna 4 februari	6:15 pm	Misa Sta. Theresita
Diamars 5 februari	6:15 pm	Misa Sta. Theresita
Diarazon 6 februari	6:15 pm	Misa Sta. Theresita
Diahuebs 7 februari	6:15 pm	Misa Sta. Theresita
Diavierne 8 februari	6:15 pm	Misa Sta. Theresita
Diasabra 9 februari	6:15 pm	Kapel Emmanuel
Diadomingo 10 februari	5:45 pm	Misa Sta. Theresita



“I am the Immaculate Conception”
“Yo soy la Inmaculada Concepcion”
“Ami ta e Inmaculada Concepcion”



Nagico ta corona su prome Reina di Carnaval



DEN presencia di Den Dje cu Ivo y Zayon Yanez conhuntamente cu Tsunami a presencia un tremendo show di cual Nagico a corona su reina pa e temporada di Carnaval 65. Candidatanan pa Reina di Nagico mester a presenta su arte y creatividad pa asina por a ser eligi como e ganadora absoluto.

3 candidata a participa pa asina conquista e corona y titulo di Queen Nagico Aruba 2019. E 3 participantenan den nomber di participante; number 1. Saskia Rosina, number, 2. Julysie Maduro, y number 3. Rashella Danje. Hurado di anochi tabata den persona di Ivo y Zayon Yanez, Sra. Carnaval 1988 Sita Alvarez-Obispa, y por ultimo nos reina di Oro Ziziane Flemming di Carnaval 50. Na final a eligi candidata number 2, Julysie Maduro cu a gana e titulo maximo! Pabien na e candidatanan cu a duna un bunita presentacion y a demostranan potencial como reina di Nagico. Un gradicimento ta bay na Prins & Pancho di Carnaval 65; Charles Rafine y Micheal Quandt ken a guia e proceso di eligi e Queen Nagico Aruba 2019.

Durante e presentacion di Queen Nagico Aruba 2019 por a alabes presencia un gran publico dilanti di e oficina di Nagico Dakota den un gran ambiente.

Un danki na Den Dje, TeleAruba, Tsunami, y tur cu tabata presente durante di e anochi aki. Pabien un biaha mas na Queen Nagico Aruba 2019, Julysie Maduro.

#1 na Aruba y #8 den henter Caribe:

TripAdvisor ta reconoce L.G. Smith's Steak & Chop House como e miho steakhouse na Aruba

RECIENTEMENTE TripAdvisor a reconoce LG Smith's Steak & Chop House (LGS) como e miho steakhouse na Aruba ubicando LGS na #1 for di un Top 15. Ademá, LGS a keda posicion #4 for di 46 otro restaurant den categoria di 'fine dining' y #8 den e categoria 'fine dining in the Caribbean'.

Tur e parenthesis aki ta haci LG Smith's Steak & Chop House (LGS) un restaurant di primera calidad. Ademá ta e unico restaurant na unda bo por disfruta di un steak Wagyu autentico for di region Kobe na Hapon. Pa corona esaki, e servicio ta impekabel den un ambiente cu ta forma e mix perfecto entre clasico y un actitud contemporaneo. "Tur cos ta mindset", asina Heidi Michiels, restaurant manager di LGS a comenta.

Den e restaurant tin un mural cu ta figura un 'cara artistico' cu e tema: "Attitude is Everything". Esey ta exactamente loke personal di LG Smith's Steak & Chop House (LGS) ta scoge tur dia, e actitud y mentalidad corecto.

Heidi Michiels ta splica di ta masha honra cu e reconocimiento di TripAdvisor. "E ta un recompensa despues di nos dedicacion y trabou duro di hopi aña. Semper nos meta tabata di bira #1 na Aruba.

Nos a logr'e. Mi ta kere fervientemente cu mester tin pasion y consistencia den loke bo ta haci." Loke ta haci LG Smith's Steak & Chop

House (LGS) asina unico, di acuerdo cu tur e comentarionan di guestnan riba TripAdvisor, ta e servicio y e calidad halto di cuminda. Algo sigur remarcabel na LG Smith's Steak & Chop House (LGS) ta e 'butcher table' cu nan trece na bo mesa y riba dje e steaknan suculento pa e cliente scoge for di dje.

LG Smith's Steak & Chop House (LGS) ta conoci pa productonan di calidad hopi halto y un personal den cushina cu sa con pa perfectamente ofrece tur cliente un experiencia culinario cu ta unico.

E homber tras di e steak signatura di LGS ta Chef Sebastian Cechet di Uruguay. Asina por menciona tambe cu por ehempel LGS ta e unico restaurant na Aruba pa ofrece e popular steak Hapones, 'Kobe beef'. Wagyu ta un baca Hapones cu ta wordo cria den un cierto region na Hapon segun un standard culinario halto, e region yama Kobe.

Tur diabierna anochi LGS tin e popular Haikobe Night na unda clientenan por realmente disfruta di e miho steak na e miho prijs. Ta complementa e suculento carni Kobe cu biñanan exclusivo cu bo por pidi na boter of den glas. Scoge for di aperitивonan manera e tartar tradicional, prepara cu Kobe Beef Tenderloin of purba e 'Tataki' consistiendo di Kobe Beef Tenderloin pasa na candela y presenta den slice 'fini'.

Ademá, bo por dicidi den ki ter-



mino bo plato principal ta wordo sirbi. Proveedor di LGS na Merca a indica cu restaurantnan Mericano ta ofrece e un ons di Kobe Steak pa \$25, mientras cu LGS ta ofrece esaki na Aruba pa unicamente \$15. Ta un gran diferencia.

LGS –ta conoci pa su certificacion USDA, su 'aged-prime steaks' y varios otro specialidad cu ta inclui e famoso 'rack of lamb' y nan seafood fresco cumpra na Aruba mes.

No por lubida bebida y cocktailnan signatura traha pa bartenderan top na Aruba cu ta conoci cu e trend(nan) di mas moderno den mixologia. Despues di e orarionan di dinner, e ambiente ta continua te cu 6or di mainta ofreciendo un menu selecta na The Midnight Lounge cual ta un extension di LGS cu bista riba Wind Creek Crystal Casino.

Celebra amor cu un cena y wine pairing exkisito na Sunset Grille



E dia dedica na amor lo wordo celebra na Sunset Grille pa parehanan cu ta desea di musta nan afeccion y aprecio pa otro durante un cena cu wine pairing cu lo tin e biñanan exkisito di Mènage à Trois.

E chispanan di amor lo ta tur caminda durante e anochi inolvidabel aki di cuminda excelente, servicio atento y un seleccion di aperitivo y platonan principal scogi cuidadosamente

Huespednan lo wordo ricibi cu un glas di Mènage à Trois Prosecco gratis, cu ta un spumante Italiano. E seleccion di aperitivo pa e anochi aki ta inclui: Seared Sesame Ahi Tuna cu Fennel Marmalade, Togarashi Aioli, y Wakame Cucumber of Burrata & Tomato, un juicy Beefsteak Tomato, aged Balsamic, Pesto y Parmesan Tuile.

Ambos aperitivo lo wordo acompaña pa un Mènage à Trois Gold Chardonnay.

Pa e plato principal por scoge entre pecho di galiña organico cu mushroom risotto y spinashi, paired cu Mènage à Trois Silk Red Blend; Salmou cu Wild Mushrooms, maishi y promenton, paired cu Mènage à Trois

Chardonnay, of Grilled Churrasco Skirt steak sirbi cu Green Herb Mojo Saus, paired cu Mènage à Trois Lavish Merlot.

E anochi lo culmina cu un plato di dessert espectacular cu lo inclui Lovers Chocolate Decadence Cake pa dos persona cu chocolate covered strawberries, paired cu Mènage à Trois Decadence Cabernet Sauvignon.

Pa haci di e ambiente uno mas romantico, e menu di cocktail pa dia di San Valentino lo tin un Love Martini cu ta wordo traha cu Ron Tropical Coconut, West Street Peach Schnapps, Stolichnaya Vodka y juice di cranberry, dorna cu strawberry, sugar rim y lamunchi.

Cu biñanan distinto y cuminda succulento, e escenario pa romance lo ta na Sunset Grille Hilton Aruba Caribbean Resort & Casino.

E three-course dinner cu wine pairing lo tuma lugar diahuebs 14 di februari 2019 di 5:30pm pa 10:30pm y ta costa \$99 pa persona. Por haci reservacion na 526-6612 of manda un e-mail na hiltonconcierge@depalmtours.com.

9 di februari MEP ta conmemora su 48 aña di existencia:

“MEP ta e partido cu a salba Honor y Dignidad di e pueblo Arubano”

HIMNO DI MEP

*Uni den fila di MEP
p'Aruba su libertad
nos tur ta marcha sigur
cu inmenso corahe y balor*

*Hunto a logra pa tur
e Status Aparte
locual nos pueblo a lucha p'e*

*Kibra e cadena
di esclavitud
pa nos dushi Aruba ta salba*

*Pueblo lanta ariba
Uni bo forza cu MEP
Pronto nos lo grita libertad*



TABATA riba dia 9 di februari 1971 cu nos lider inmortal Gilberto François (Betico) Croes a funda e prestigioso partido MEP y cual partido a lanta pa lucha pa mas autonomia pa e isla aki. Desde principio MEP a pone su dilanti e ideologia social-democrata, nos structura estatal y un union di henter e pueblo Arubano, sin distincion di rasa, color, religion, etc. Algo historico tabata cu den apenas dos luna di su fundacion MEP a logra obtene un tercera parti di e electorado Arubano, esta 7 asiento for di 21. Desde e tempo ey MEP a crece, tanto den voto como den asiento y ta e unico partido na Aruba cu desde su existencia nunca a yega di baha bao di 7 asiento. Esey ta demostra e forza di e nucleo fiel cu semper a sostene nos partido, tanto den tempo bon como tempo menos bon.

Durante su 48 añanan di existencia, MEP a participa na 18 eleccion, tanto pa Eilandsraad, Staten di Antias y Parlamento di Aruba y den 9 di e 18 eleccionnan aki MEP a haya e mayoria absoluto. Algo impresionante y historico den Reino Hulandes!

MEP ta un partido cu desde su fundacion te cu awor apenas a conoce tres lider, esta Betico Croes den feliz memoria, sr. Nelson Oduber y nos actual lider sra. Evelyn Wever-Croes.

Lucha pa Status Aparte

Sin duda algun cu MEP tabata e vehiculo principal di nos Libertador Betico Croes den su lucha pa nos Status Aparte. Pa por a cumpli cu e deseo di pueblo pa su libertad, nos Libertador mester a haci hopi sacrificio, drama sanger, sodo y lagrima pa realisa e anhelo aki. Alabes MEP ta e partido cu a percura pa nos simbolonan di union y libertad, esta himno y bandera, nos moneda, nos ortografia, nos propio constitucion, Gobierno, Parlamento, nos propio Gobernador, Banco Central etc.

Den henter e lucha pa Status Aparte a resalta e accionnan di augustus scur 1977, ya cu tabata danki na e accionnan aki cu Aruba a wordo scucha door di Hulanda. Finalmente e deseo di Aruba a wordo concretisa durante e Conferencia di Mesa Rondo na maart 1983 na unda nos derecho di autodeterminacion a ser reconoci y aproba pa nos sali for di Antias dia 1 di januari 1986 y cu nos lo bira independiente dia 1 di januari 1996 den un Man Comunidad cu Hulanda.

Y ta cu honor dia 13 di juli 1990 sr. Nelson Oduber a percura pa scrap e fecha di Independencia 1996 for di den Statuut pero manteniendo e derecho pa bira independiente dia cu e pueblo aki den un referendum dicidi esaki den su mayoria

cu aprobacion di 2/3 parti di Parlamento, cual ta un garantia solido y responsabel.

Logro y proyectonan di MEP

Hecho ta cu ta danki na e Status Aparte na 1986 cu MEP a realisa, Aruba a haya e instrumentonan economico pa por logra desaroya e pais aki. Un gran cantidad di logro y proyecto a ser realisa durante cu MEP tabata den gobierno. Algun di e proyectonan cu a wordo realisa door di MEP tabata: Waf di container, Plan Sasaki pa desaroya henter e area turistico, edificionan di Domeinbeheer, Aduana, Ontvanger, SVB, Biblioteca Nacional, FCCA, DOW/DIP/Kadaster, ATA, SIAD, companianan estatal Arubus N.V., APA N.V., WEB N.V., Elmar N.V., Setar N.V., Lotto pa Deporte, oficinanan auxiliar di gobierno, construccion di stadionnan deportivo, casnan di pueblo, centronan di barrio, planta di purificacion di awa, warda di polis nobo, Sporthal, Centro Medico San Nicolas, construccion di careteranan, construccion y renobacion di schoolnan y mucho mas pa menciona. Un otro logro importante tabata e reapertura di e refineria cu Coastal na 1991. Tambe e firmamento di un acuerdo cu ‘SACE’, unda a trece un solucion den e problema di garantianan: un debe di 206 miyon dollar a ser reduci te na 110 miyon dollar. E acuerdo cu Hulanda na unda 250 miyon florin di Plant N.V. a pasa pa Aruba ta un logro historico den cual ta demostra un biaha mas cu MEP semper a goberna cu curashi, perseverancia y determinacion.

Un partido sincero y honesto

Locual cu ta resalta durante henter e trayectoria impresionante di MEP ta e sinceridad y honestidad cu e partido aki ta desplega den e comunidad Arubano. MEP ta e unico partido cu na varios ocasion a bisa e pueblo adelanta con e situacion financiero y economico ta y si tin cu tuma pasonan necesario pa trece solucion, MEP semper ta haci esaki pa bienestar y futuro di nos criaturanan, sin importa cu esaki lo por costa partido voto den eleccion.

Finalmente MEP a percura tambe pa Aruba haya su prome Minister Presidente femenino den persona di sra. Evelyn Wever-Croes, kende a demostra di ta sali semper na vanguardia di esnan mas vulnerabel den comunidad.

Un gradicimento ta bay awe na tur esnan cu a yega di forma parti di e lista aki, tur e candidato, directivanan di e urnanan electoral, Forza Femenino Grace, e hala hubenil HOT, militantenan y tur e votadonan pa cu e 48 año di existencia di nos partido. Mientras MEP ta existi, Aruba ta salba!

Reina Biba Bida di Cruz Cora: Sra. Titi Tromp

CRUZ Cora Aruba a tene su Eleccion di Reina Biba Bida, pa damas di 65 aña y mas. Un total di 8 dama di edad avansa a participa y hurado tabata tin un tarea dificil, ya cu cada un di nan ta un reina riba nan mes!

Un Prins cu Pancho di nan mesun generacion hopi anima, a saca e siguiente resultado:

Mas Ambiente: Lucia Rasmijn
Mihor Speech: Titi Tromp
Mas Creativo: Aura Ras

Prome Finalista: Lucia Rasmijn
Reina Biba Bida: Titi Tromp

Cruz Cora ta gradici na tur cu a colabora cu e evento fantastico aki. Tabata un anochi inolvidabel pa tur e candidatanan, pero tambe pa publico! Esakinan ta: Isai Labadie, Robert Geerman, Glenda Arends, Elsa's Flowershop, El Gaucho Restaurant, La Cabana Beach Resort & Casino, DA, Bruna, Shara's Aesthetic Center, Young at Heart, Starbucks, Marieta Wanopa, Cover Girl, Andrew Curiel, Andy Willems y na henter e team di Cruz Cora/Biba Bida Queen Election.

Tambe ta yama un danki na e hurado cu a consisti di: Elsa Krosendijk, Zuzette Croes, John Flemming y Presidente di Hurado, Rene Ridderstaat.

Un danki special na Maestro di Ceremonia: Cheryldine Buckley Na Massive Brassband cu tabata tremendo pa pone publico move cu un «massive» jump-in pa sera e anochi!



Pistolero ta na Korsou?

Ulanda ta buskando asesino(nan) di Dairon

WILLEMSTAD. Aña pasá i tambe na prinsipio dje aña'ki NOBO a relatá ampliamente dje detayenan relashoná ku e asesinato dje Kura-soleño Dairon Julius Alberto.

Te awe polis ulandes no por a kap-
turá e asesino(nan).

Mientras tantu Kòrsou tambe ta riba radar komo posibel eskóndite di e pistolero of mas di su kompinchinan ku tabata presente ne tiroteo fatal na Katendrecht.

E asesinato a tuma lugá dia 28 di ok-
tober aña pasá i hefenan polisial a pone un tim di 25 reshèrshe riba e kaso.

E investigadónan a haña un tep ku e asesinonan of por lo menos un di nan a hui bin skonde na Kòrsou.

TATA DI DAIRON TA MAL KIBRÁ

Tata di Dairon ta Charon Vrutaal i t'asina kibrá pero alabes motivá pa polis arestá asesino di su yu ku tur di e ta sende bela i rosa na bon Dios pa por arestá e asesinonan.

E ta mal kibrá i e yunan di Dairon tambe ta yora tur dia pa nan tata.

Su yu di 8 aña ta lanta tur anochi ku gritu di yoramentu i ta yama su tata. Tur dia e tata ta biba kue doló pa pèrdida di su yu i pena di su nietu.

P'esei e ke pa e asesinonan haña nan kastigu no solamente pa hustisia vense pero tambe Promé ku mas viktima kai.

E tiponan ku a mata su yu ta sikario ku ta mata hende pa plaka. Ta mes-
kos ku un negoshi i no ta importa

nan si nan tira e hende robes.

Dairon tabata inosente i no a hasi ningun maldat.

Pero loke a pasa ta manera un virus ku direpente ta bolbe lanta kabes i mester stòp esei.

LO BAI TIN LIKIDASHON DI REPRESAYA

pa asesinato di Dairon Alberto i e in-
vestigadónan ta tene cuenta ku dife-
rente scenario i vershon.

Un dje scenarionan ta ku e liki-
dashon tabata pa regla cuenta pa un
anterior likidashon.

Den kuadro dje scenario esaki ta bien posibel ku lo bin otro l likidashon pa venga Dairon.

Ta p'esei mekser resolvé e kaso aki mas rápido posibel i hiba e kulpabel-
nan dilanti wes. Unikamente asina por para e spiral di violencia.

TEP ANONIMO

Chairon Vrutaal ta roga kualke hen-
de ku sa kualke kos pa nan papia i
bisa outoridatnan.

uniko manera pa para e likidashon-
nan aki ta pa solushoná e kaso i hiba e kulpabelnan dilanti wes.

Por yama investigadónan tambe pa un kombersashon konfidensial.

E tim investigador por protehá nan informantenan kompletamente i ni polis no por haña dato dje informan-
tenan.

E tim a investigá varios tep kaba i un di nan ta bisa ku e malhechornan a hui bin Kòrsou.

Nan tin kontakto ku polis na Kor-



sou i ta hasi un yamada na puebel di Korsou pa pasa informashon pa polis si na sa algu dje pistoleronan. E kaso mes a tuma lugá dia 28 di november anochi den Rechthuislaan na Rotterdam kaminda un tipo di sikario a yega serka dje viktima ku tabata ku un par di amigu i a los varios tiru sin Diskriminashon.

Dairon a muri mesora. Su number di kariño tabata Dajo.

Polis tin indikashon ku ta dos pisto-
lero tabatin ku a usa un arma out-
omatiko.

Despues nan a hui riba un skuter ku nan a pega na kandela despues.

Kámara a graba tur kaminda ku e ruta a kore pa hui.

Hasta nan sa ku marka dje skuter ta un Piaggio Skipper ST 125 cc.

Polis ke papia ku testigu ku a mira kara di un dje pistoleronan pasobra e no a tapa kara.

Direktiva di Greentown no tin interesá den sera refinaria Isla

WILLEMSTAD. Direktiva di GreenTown a rechasá kategrikamente ku nan ta interesá den seramentu di Refineria Isla.

Nan tambe a tuma nota di ekspreshonnan via medionan di komunikashon i medianan sosial ku e fundashon ta den òf tabatin kòmbersashon ku diferente stakeholder òf 'preferred bidder' òf den eventual seramentu di e refinaria.

Ningun miembro direktiva no (taba)tin kòmbersashon tokante e tópikonan aki ni ku Minister Presidènt ni ku presidente di PMO señor Cliff Christian ni ku ningun otro persona òf organisashon.

E fundashon na vários okashon a informá públikamente ku e no ta un desaroyadó pero a ofresé gobièrnu di Kòrsou pa fasilitá komo un 'denktank' den e periodo di transishon.

Mirando e desaroyonan riba tereno di energia duradero, ku lo dura basta aña promé ku inisiá òf konkretisá, e direktiva ta di opinion ku ta bon pa kuminsá un diálogo

riba e posibilidatnan pa desaroyá e partinan di tereno ku no ta usando aworakí.

Na yanüari 2018 direktiva a organisá un mini konferensha den kua e.o. Promé Minister, Minister di Ekonomia i direktiva di PMO tabata presente.

Na e okashon ei un eksperto internashonal a presentá algun opshon pa desaroyá parti di e terenonan bashi rondó di e Refineria.

E úniko meta di e fundashon tin ta pa paralelo na buska un partner stratégiko traha riba ambishonnan nobo pa Kòrsou, krea mas kupo di trabou, mehorá situashon ekonómiko i buska formanan pa haña mas entrada pa gobièrnu na bienestar di komunidat, sin mester sera e refinaria.

Despues a inisiá e idea pa organisá den koperashon ku gobièrnu di Kòrsou i PMO un konferensha grandi ku ekspertonan lokal i internashonal pa e periodo di transishon.

Ron Pin ku Bianca Neman so por papia pa Greentown

WILLEMSTAD. Den kontakto ku Promé Minister i Cliff Christian direktiva di Greentown a sali konstatá ku e úniko prioridat aktual di tantu gobièrnu komo Refineria di Kòrsou ta pa haña riba término korto un partner stratégiko pa e refinaria.

Pa e motibu aki e fundashon GreenTown a deshasí algun luna pasá di e iniciativa pa usa e tereno di refinaria pa metanan turístiko i a skohe aki pendiente klaridat den eskoho di un kompania pa operá e refinaria.

Direktiva mes a bin ta eduká i informá su mes mas tantu riba tereno di Blue and Circular Economy i ki impakto positivo esaki por tin pa komunidat.

E direktiva a apuntá Ron Pin i Bianca Neman pa papia pa nan.

Pa e motibunan aki direktiva ta tuma distansia for di tur informashon i resultado ku por surgi pa medio di kontakto ku personanan no afiliá na e direktiva tin ku kualke persona, media òf organisashon tantu lokal komo internashonal.

Registra awo!

Manda bo e-mail na noticia@awemainta.com

Ricibi AWEMainta tur dia den bo inbox



www.awemainta.com



www.facebook.com/awemainta



583-1400



583-1444

Importante reunion tokante derecho humano di migrantenan na Kòrsou

WILLEMSTAD. Resientemente a tuma lugá na sentro di bario Fleur di Mari, un reunion konvoká di Human Rights Caribbean /Derechonan Humano pa organisashonnan no gubernamental.

Meta tabata sera konosi ku otro i inventarisá kua instancia tin trabou i tarea relashoná ku derechonan humano i en especial e problemátiko di migrante i refugiado Venezolano.

Tabatin representante di Krus Korá, Famia Plania, Skuchami, Aliansa, SEDA, Amnesty, Venex, Dedima i Unidat di Bario ku a tabata e host e promé reunion aki di Human Rights Caribbean.

Den su introdukshon, Inchi Witteveen di Human Rights Caribbean, a splika ku a invitá nan pa trata un tópiko ku ta enbolbí nos tur ku ta respetá derechonan humano pa ku nos isla, den nos bario i aworakí ku atenshon spesial pa migrante, refugiado i hende desplasá.



Ta un echo ku NGO komo organisashonnan independiente di gobièrnu ta sumamente importante ora ku hopi hende ta pèrdè konfiansa den polítika i gobièrnu.

Nan importansha ta oumentá ora resultá ku e gobièrnan di nos paisnan kada biahe tin ménos rekursu finansiero i ménos hende kapasidat.

E organisashonnan presente a duna tur un testimonio di nan esfuerso pa yuda migrantenan i refugiadonan.

Tin tur indikashon ku tin entre 6000 pa 8000 Venezolano na Kòrsou

WILLEMSTAD. Den e reunion di organisashonnan no gubernamental ku a tuma lugá pa diskuti derecho humano di migrantenan a sali na kla ku nan ta kalkulá mas o ménos ku mester tin entre 6000 i 8000 migrante Venezolano dokumentá.

Problemanan ku a resultá ku e refugiado pa gran parti ta e eksklushon di yudansa médiko, mental i legal.

Ademas tin abuso di kua hende muhé ta mas tantu víktima. A papia tambe di muchanan ku no ta registrá na Kranshi i ta keda sin nashon, (statenloos/ apatriado).

Plataforma Aliansa a anunsiá ku nan ta purba aserka e bufètnan di abogado pa ku kada un ta sostené un kaso legal di un refugiado, specialmente pa hende muhé i muchanan. Unidat di Bario, Skuchami, SEDA i VENEX ta duna yudansa ku asistensia sosial, sikológiko, i hu-



manitario i tin biahe ta logra un sosten médiko.

Krus Gorá ta yuda hende ku ta di buskadó di asilo di UNHCR/ACNUR den kaso di urgensia pa sosten médiko o asta paga hür, nan tin algun hurista ku ta pa yuda pa un suma no-komersial.

Alcalá-Wallé ta desmenti ku a kòrta 30% den presupuesto di enseñansa



WILLEMSTAD. Un punto ku e minister Enseñansa kier a akclará ayera ta esun ku a bisa ku gobiernu a kòrta ku 30 porshento den e trayekto di enseñansa ku segun e minister no ta kuadra.

Tur direktiva di skol ta haña sèn di supsidio pa nan gastu di eksplotashon i tur direktiva di skol tin e dokumento konserní.

Minister a sita for di e lei aki ku ta e base legal pa duna supsidio na direktivanan di skol. Ta e lei ku ta bisa kon ta paga e gastunan i kua tipo di gastu gobièrnu ta paga. E minister a bai ampliamente den detaey na kiko sèn-

ta bai den su ministerio manera pago di material i trahadónan.

Direktivanan di skol ta enkargá pa regla esei.

E minister a sigui bisa ku tin agèndanan pa krea e impresshon ku a kòrta den gastunan di enseñansa, loke no ta bèrdat segun minister Alcalá Wallé. Ta yuist revisá un ke otro pa oumentá kaminda ta nesesario. Por ehèmpel limpieza di skolnan ta loke ke oumentá riba tèrmino kòrtiku i tambe 'afvalstoffenbelasting'. Minister a bisa ku ta dispuesto pa manda e informashon aki digital pa tur ku ta interesá.

Den tur problema den enseñansa:

Konsulta entre 4 pais di Reino ta sigi normalmente

WILLEMSTAD. E dlanan aki tin 'vierlandenoverleg' entre Kòrsou, Aruba, sint Maarten i Ulanda.

Ela kuminsá ayera nochi i ta kontinuá awe hinter dia.

E idea di e 'vierlandenoverleg' ta ku e ministernan di Aruba (2), di Sint Maarten (1), minister di Enseñansa di Ulanda i minister di Kòrsou ta bini huntu pa elaborá riba diferente puntonan di agènda di interes komun.

Por ehèmpel e asunto di 'doorstroom mogelijkheden'.

Entre otro Hogeschool di Rotterdam ku a bisa di lo no tuma studiantenan di Kòrsou mas.

Segun minister Alcalá Wallé, no ta asina mester atendé ku otro siendo den un reino huntu. Ta e tipo di puntonan aki lo subi mesa durante e 'vierlandenoverleg'.

No tin solushon a korto plaso pa problemanan den enseñansa

WILLEMSTAD. Señora Suzan Larmonie, señora Lisette Sambo Velder, señor Miles Mercera di Chata, Sonairi Kleinmoedig di CTB i minister di Enseñansa Marilyn Alcalá Wallé tabata na mesa di transmishon en konekshon ku e rueda di prensa di ayera den Fòrti.

AKSHONNAN AKTUAL

Pa loke ta trata e akshonnan aktualmente, segun minister Alcalá Wallé maestronan ta bini huntu pa haña klaridat riba diferente punto ku no tin klaridat ainda. E minister a sigui bisa ku hopi di e puntonan aki ta pará den e 'convenant' ku e ta ehekutando poulatinamente, uzando personal di su Ministerio. Sindikato SITEK a ekspresá ku tin diferente punto di atenshon agudo ku e sindikato ke pa resolvé mas pronto posibel. Tur ta puntonan ku ta trahando riba dje, pero ku lo no por duna resultado mesora pero segun ta traha lo bini un kontesta pa kada un di e puntonan. Djis pa menshoná algun punto, esta di limpiesa di skolnan, maestronan di skol VSBO ku ta sali di 32 ora di lès bai 27 ora di lès dosentenan ku ta sali di A bai B, vakashon pa no dosente, etcetera. E minister a sinta hopi largu na mesa huntu ku SITEK, pasobra ta únikamente na mesa ta haña solushon pa problemanan ku presentá.

Komo tal djamars henter mainta huntu ku SITEK i vaicos kolega minister a reuni praktikamente non-stop.

No tin solushon 'kan en klaar' pa resolvé demanda di Sitek

WILLEMSTAD. Despues di reunion maratoniko riba demandanan di Sitek, karta a bai pe sindikato ku kontesta riba nan demandanan ku kopia pa Sitek i promé minister. Puntonan ku mester a regla tabata eksihi mas preparashon pasobra nan tin konsekuensha. Por ehèmpel e hecho ku dosentenan di VSBO ta sali di 32 ora di lès na skol bai 27 ora di lès. Pa minister Alcalá Wallé esaki no ta ningun problema, pero mester wak kiko ta e konsekuensianan, pasobra kada maestro ta duna 5 ora di lès ménos. Mester konta e kantidat di oranan aki ta pa sa kon ta yena nan i kuantu maestro adishonal mester atraé i den kua ramo presis, pasobra tin diferente spesialisimo. Konseho di Minister a asumí un posishon ku nan no ta kómodo ku un desishon ku no sa kiko ta e konsekuensianan, pasobra si ougùstùs habri i no tin maestronan pa e sistema ta pega tòg. Solushon lihé ta manera sòpi purá ku ta sali salu. Konseho di Minister ke un dokumento ku por sirbi pa tuma desishon i asina por sigi reunion ku SITEK.



Tur cos aki na mundo tin su ora y su tempo,
Ora pa nace y ora pa muri, ora pa yora y ora pa hari,
Ora pa keda keto y ora pa papia, ora pa stima y ora pa
odia, Ora pa guerra y ora pa paz"
Predicador 3:1, 2, 4, 7, 8

Cu inmenso dolor den nos curazon
pero conforme cu boluntad di Dios y agradecido pa
loke el a haci y nifica pa nos, nos ta participa
fayecimento di nos difunto stima:



Casper Damasco Everon

Mi hor conoci como "Dan"
*12-04-1952 - †07-02-2019

Acto di entierro lo wordo anuncia despues



Señor ta mi wardador, mi'n tin falta di nada;
Den cunucu di yerba verde E ta pone mi sosega.
E ta hiba mi na awa tranquil, pa mi bolbe haya forsa.
Salmo 23: 1, 2, 3

Cu inmenso tristesa den nos curason pero agradecido
pa tur loke nos a comparti cune, nos ta anuncia
fayecimento di:



Alvarest Thiel

*19-02-1952 - †07-02-2019


Acto di entierro lo wordo anuncia despues.

Royal Aurora

Funeral Home & Crematory

"Bou di alanan di Dios mi ta sigur"
Abo ku ta biba bou di amparo di Altisimo, ta hospedá
den sombra di Dios Omnipotente, bisa Señor:
"Mi refugio, mi forti, mi Dios, den kende mi ta
pone mi konfiansa"
Salmo 91:1-2

Cu dolor na nos curason pero conforme cu boluntad di
Señor, nos ta anuncia fayecimento di :



Elton Divon Elvion Gomez

Mihor conoci como "Tonchi"
*17-02-1999 - †31-01-2019

Na nomber di su:

Mama:
Valery Dongo

Tata:
Anthony "Karaña" Gomez

Rumannan:
Vanessa Gomez
Vanscheska Gomez
Kathy na Hulanda
Ariani Gomez

Tanta:
Judith Faneyte

Omonan:
Gregorio Regales
Miguel Alfonso Richardson
Justo y familia
Andresito y familia
Maikel Centeno

Swa:
Joaquin "Alexsey" Pieters

Primo- y primanan

Padrino:
Ryan Maduro y familia

Amigo- y amiganan y conocinan di cas

Demas familia:
Dongo, Gomez, Regales, Richardson, Pieters, Lopez,
Faneyte, Maduro, Quandus, Molina, Agostein

Ta invita pa acto di entierro cual lo tuma lugar na Royal
Funeral Home diasabra 9 di februari 2019 di 9'or pa
11'or di mainta. Despues lo sali pa Santana Catolico De
Vries na Sta Cruz.

Disculpa nos si den nos tristesa nos por a lubida algun
familia of conocir.

Royal Aurora

Funeral Home & Crematory

"Dios ta amor y amor ta Dios, maske mi no ta na e
mundo aki, tur dia lo mi ta banda di boso curazon, mi
por steuns di loke Señor ta hasi"

A bai drumi den brasa di Señor mi esposo, nos Daddy,
welo, ruman y omo stima

Ignacio Isidor Tromp

Mihor conoci como:
"Nacho" ex trahador di DOW
* 1 februari 1942
† 6 februari 2019



Na nomber di su estimada esposa:
Maria (Miriam) Tromp-Wernet

Yiunan stima:
Antoine (Junior) y Elma Tromp -
Gomes Jardin y familia na Hulanda
Dyon y Johna Tromp-Maduro y familia na Hulanda
Mirienne Tromp

Nieto y nietanan:
Ramiy y Kimberly Tromp
Xavier, Jorja y Sergio Tromp

Rumanan:
Alberto y Elizabeth Tromp y familia
Simon y Luisa Tromp y familia
Andres y Maya Tromp y familia na Corsow

Swa y cuñanan:
Oscar y Greta Wernet y familia
Lucia Tromp-Wernet y familia
Gumbersindo Dirks y familia

Rosenda Wernet-Croes y familia

Manera yuinan:
Greggy, Edson y Michel Wernet y familia

Bon bisiñanan:
Mayela Werleman
Rudy Dirks y familia

Sobrino y sobrinanan, primo y primanan, tur su
compañeronan y verpleegster nan di Maris Stella cu a
cuide hopi bon y cu hopi cariño.

Demas familia Tromp, Wernet, Maduro, Gomes Jardin,
v/d Linden, Croes, Dirks y Werleman.

Ta keda invita pa acto di entierro cu lo tuma lugar
diaranzon 13 februari 2019, di 2or pa 4 or di atardi na
misa Inmaculada Concepcion y despues pa santana
Catolico na Santa Cruz.

Ocasion pa condolencia: Diamars anochi 12 februari na
Royal Funeral Home di 7 or pa 9or.

Enbes di krans of flor familia ta prefera pa hasi un
donacion pa Huize Maris Stella. Lo tin un box disponi-
bel pa e bon causa aki.

Nos ta pidi disculpa si den nos tristesa nos por a lubida
cualquier familiar of conocir.

Nos ta lamenta cu despues di entierro no ta ricibi bishita
di condolencia na cas.

Royal Aurora

Funeral Home & Crematory

Mi ta warda, warda so riba Señor,
Mi tin fe den su palabra.
Salmo 130:5
A bai sosega inesperadamente:



Sr. Mario Loefstop

Mihor conoci como "Mai" of "Mo Mai"
*20-05-1938 - †07-02-2019

Na nomber di su :

Rumannan:
Vda. Theresita Fingal-Loefstop
Frans y Vivian Loefstop-Lampe
Angelina "Nini" Loefstop
Eusebio "Chebito" y Margo Loefstop-Geerman
Greta y Juan Quant-Loefstop

Sobrino- y sobrinanan:
Michael Boekhoudt
Maikel y Vanessa Fingal y familia
Sharleen y Jose Kock-Fingal y familia
Gregory Loefstop y familia
Edgar Loefstop
Eugene y Solange Loefstop Eleonora y yiunan
Lisette y Alexander Maduro Quant y yiunan
Gisette "Gigi" Quant y yiu

Mescos cu sobrino(a):
Roxianne y Randall Maduro
Cindy y Chayne Duchesne-Loefstop y yiunan
Sean Loefstop
Lizianne y Alexander Jr. Maduro
Xixi Quant

Sobresobrino- y sobresobrinanan, primo- y primanan,
bisiñanan y conocinan.

Familia: Loefstop, Boekhoudt, Fingal, Lampe, Geerman,
Quant, Kock, Maduro, Eleonora, Duchesne y demas
familia.

Ta invita pa acto di condolencia y despedida cual lo
tuma lugar na Aurora Funeral Home dialuna 11 di
februari 2019 di 9'or pa 11'or di mainta.

Cremacion lo tuma lugar despues den ceno familiar.

Disculpa nos si den nos tristesa nos por a lubida algun
familia of conocir.

Despues di despedida nos no ta ricibi bishita di
condolencia na cas.

Website:
www.awemainta.com

Facebook:
www.facebook.com/awemainta

E-mail:
noticia@awemainta.com


Tel:
583-1400

Fax:
583-1444

**AWE
Mainta**
#1 online



E unico corant GRATIS



Abona awo

Manda un e-mail na:

Noticia@awemainta.com

y skirbi e palabranan: *"Ami Kier Abona"*

Like nos riba facebook

Keda "up to date" y like nos riba facebook
www.facebook.com/awemainta



Subi riba nos website

www.awemainta.com

AWEMainta completamente

DIGITAL